

四庫全書

集部

欽定四庫全書

王荊公詩注卷十一

宋 李壁 撰

古詩

兩馬齒俱壯

據此古詩二十八首雖无歲月可考然第七首有邂逅亦專城之句

當是嘉祐元年二年之間知常州時作又第十首有行觀蔡河上負土知力弱之句按嘉

祐三年開京城西葛家岡新河直城南疑即指此又二十三首詠麒麟按交趾貢獸號麒麟

麟亦是嘉祐三年事則公賦此詩二十八篇嘉祐初年作無疑矣今兩馬齒俱壯詩一以



指方爲時用而自喜欲前者一以指困於羈束而恨不獲騁力者是時文富並相賈文元時爲樞使不知意竟屬何人哉或別有所謂也

兩馬齒俱壯自驕千里材生姿何軒軒或是龍之媒一

馬立長衢顧影方徘徊一馬裂銜轡奔嘶逸風雷立豈

飽芻豆戀棧常思迴

桓範出赴曹爽將濟謂司馬懿曰範則智矣駕馬戀棧豆爽必不能

用奔豈欲野斲久羈羕駕駘

莊子騏驥不盡其用反有羕於駘

兩馬不

同調各爲世所猜問之不能言使我心悠哉

春從沙磧底

春從沙磧底轉上青天際

杜詩春從沙際歸

靄靄桑柘墟浮雲

變姿媚游人出暄暖鳥語辭陰翳心知歸有日我亦無

愁思所嗟獨季子尚客江湖蒞萬里卜鳳凰飄飄何時

至

莊公二十四年初懿氏卜妻敬仲其妻占之曰吉是謂鳳凰于飛和鳴鏘鏘詩意指婚姻事當是純甫

晨興望南山

晨興望南山不見南山根草樹露顛頂樛枝空復繁銅

餅取井水已至尚餘溫天風一吹拂的皪成璵璠

璵璠美玉

君所佩也○詩意悼俗學不完本根徒尋枝葉如人於井必及而後得清甘也未聯似言學能變化氣質猶水

得風凝結爲
水如美玉然

結屋山澗曲

結屋山澗曲挂瓢秋樹顛鳴不中律呂時時驚我眠吾

兒亦惡聒戮力事棄捐

逸士傳許由隱箕山以手捧水而飲之人遺一瓢得以取飲飲

訖挂於樹上風吹歷歷作聲尚以爲煩遂去之

止我爲爾歌不如恣其然秋風

動地至萬竅各啾喧一瓢雖易除豈在有無間

言瓢得風而鳴

○莊子作則萬竅怒號

皦皦山下石泠泠手中弦臨流寫所愛坐

聽以窮年

朝日一曝背

朝日一曝背欣然忘夜寒

列子楊朱篇云昔宋國有田夫常衣緼縲僅以過冬暨春

東作自曝於日不知天下之有廣廈與室綿纊狐貉顧謂其妻曰負日之暄人莫知者以獻吾君將有重賞

樵松煮澗水

樵松以松為樵

既食取琴彈彈作南風歌歌罷坐

長歎寤被栖栖者遺世良獨難

樂記舜作五弦之琴以歌南風家語載南風之

歌曰南風之薰兮可以解吾民之愠兮南風之時兮可以阜吾民之財兮公意在厚民不與隱者之獨善

黃菊有至性

團團城上日秋至少光輝積陰欲滔天況乃草木微黃

菊有至性孤芳犯羣威采采霜露間亦足慰朝飢

少狂喜文章

少狂喜文章頗復好功名稍知古人心始欲老蠶耕低

回但忘食邂逅亦專城

古詩四十
專城居

仰慙冥冥士俯愧擾

擾

鴻飛冥冥指高世之士
俯愧言無德以與民

良夜未遽央青燈數寒更

撥書置左右仰屋慨平生

涓涓乳下子

詩中雖无此句而實言人子
之事別本作三戰敗不羞

三戰敗不羞

左氏三敗及韓管仲曰吾嘗三戰三敗
北鮑叔不以我為怯知我有老母也

一

官遷輒喜

廬江毛義家貧以孝稱南陽人張奉往候義府檄適至以義守令義捧檄而喜奉者志尚

士心賤之及義母死去官行服後舉賢良公車徵不至奉歎曰賢者固不可測往日之喜乃爲親屈也

古

人思慰親愧辱寧在已於陵避兄食織屨仰妻子恩義

有相權絜身非至理

此詩似爲孫倅正之輩發

少年見青春

少年見青春萬物皆嫵媚身雖不飲酒樂與賓客醉一
從鬢上白百不見可喜心腸非故時更覺日月駛聞歡
已倦往得飽還思睡春歸只如夢不復悲憔悴寄言少

年子努力作春事亦勿怪衰翁衰強自然異

白日不照物

白日不照物浮雲在寥廓風濤吹黃昏瓦屋更紛泊行

觀蔡河上負土知力弱

知一作私。蔡河屬開封祥符縣按蔡河始自建隆元年始命

右領軍衛將軍陳承昭督丁夫導閘水自新鄭與蔡水合貫京師南歷陳潁達壽春以通淮右舟楫相繼商賈

畢至都下利之於是以西南爲閘河東南爲隋堤散萬蔡河至開寶六年三月始改閘河爲惠民河

家亂若春蠶箔

言隄決倉卒居民徙避如蠶箔然

仍聞決數道且用寬

城郭

疏河流以分水力使不啗州縣

婦子夜號呼西南漫為壑

此詩疑在嘉祐

初年所作按嘉祐三年正月有司言至和中大水京城
罹其患請自祥符縣界葛家岡直城南好草陂北入惠
民河分注魯溝以紓京城之患於是發官卒調民丁鑿
河凡九月而成號爲永濟河今詩且用寬城郭西南漫
爲壑者往
徃指此

草端無華滋

草端無華滋陰氣已盤固暄妍却如春歲晚曾不寤一
裘可以暖貧士終難豫忽忽遠枝空寒蟲已坏戶

一日不再飯

一日不再飯飯已八九眠忽忽返照間頓羸不可遷筋

骸微縲束

揚雄解嘲微以糾縲注云微糾縲皆繩也。禮記肌膚之會筋骸之束也。

肺腑鼎

鑄煎長往理不惜高堂思所牽

秋枝如殘人

秋枝如殘人顏色先憔悴微寒吹已空性命一何脆寧

當記疇昔葩葉相嫵媚歲行雖使然好殺豈天意

此詩言盛

衰消息之理。言天至秋雖肅殺而實寓生物之意。

青青西門槐

人情甘阿諛我獨倦請謁尤於權門疎萬事亦已拙平

生江湖期夢寐不可遏青青西門槐少解馬上喝

淮南子武

王蔭暘人於樹下。此詩意雖高而語淺露恐非公作

天下不用車

天下不用車人人乘馬馳王良雖善御攬轡欲從誰

王良

古之善御者言車既不用則王良雖以善御名亦無所施其巧矣

漢武伐大宛殺人若

京坻

漢西域傳大宛多善馬馬汗血張騫始爲武帝言之上乃遣使者持千金以請宛王愛其馬不與於

是遣貳師將軍李廣利將兵十餘萬人伐宛連四年殺宛王得馬三千匹

孝文却走馬獨行

先安之

賈捐之傳孝文帝時有獻千里馬者詔曰轡車在前屬車在後吉行日五十里師行三十里朕

乘千里馬獨先安之
遂還馬與道里費

萬物命在天取舍各有時陰陽更

用事冬暖豈所宜卞氏強獻玉兩刖亦已癡幸終遇良

工已剖得不疑

新序荆人卞和得玉璞而獻之荆厲王使玉尹相之曰石也王以和爲謾而斷

其左足武王即位和復奉玉璞而獻之武王使玉尹相之曰石也又以爲謾而斷其右足共王即位和乃奉玉璞而哭於荆山中三日三夜泣盡而繼之以血共王使人問之曰寶玉而名之曰石貞士而戮之以謾此臣所以悲也共王乃使理其璞而得寶焉故名之曰和氏之璧

山田久欲坼

山田久欲坼秋至尚求雨婦女喜秋涼踏車多笑語朔

雲卷衆水慘淡吹平楚橫陂與直塹疑即没洲渚霍霍

反照中散絲魚幾縷

木蘭行磨刀霍霍向猪羊○韋應物詩昨別今已春散絲魚幾縷

鴻蒙不可問且往知何許歌眠露下舸側見星月吐龍骨已嘔啞田家真作苦

聖賢何常施

聖賢何常施所遇有伸屈曲士守一隅欲以齊萬物

聖人

不凝滯於物而能與世推移曲士拘拘不足語此○莊子可用於天下不足以用天下此之謂辯士一曲之人也喪非不欲富言爲南宮出世無子有子誰能救其失

喪謂仕而失位非死喪之喪也○檀弓上南宮敬叔反必載寶而朝夫子曰若是其貨也喪不如速貧之愈也喪之欲速貧爲敬叔言之也曾子以子游之言告有子有子曰然吾固曰是非夫子之言也

散髮一扁舟

散髮一扁舟夜長眠屢起秋水瀉明河迢迢藕花底愛

此露的皪復怜雲綺靡諒無與弦歌幽獨亦可喜

許彥周詩

話云荆公愛看水中影此亦性所好如秋水瀉明河迢迢藕花底又桃花詩晴溝漲春綠周遭俯視紅影移漁舫皆觀其影也

道人北山來

道人北山來問松我東岡舉手指屋脊云今如此長

我字

別本作栽此俗人誤改○公在政府與沈道原書曰上聽明日躋然流俗險膚未有已時亦安能久自困苦於此北山松柏聞修雅說已極長茂一兩日令俞遜往北山因欲漸治垣屋矣

開田故歲收種

果今年嘗告叟去復來耘耰尚康強死狐正首丘遊子

思故鄉嗟我行老矣墳墓安可忘

檀弓古人有言曰狐死正丘首仁也

今日非昨日

今日非昨日昨日已可思明日異今日如何能勿悲當

門五六樹上有蟬鳴枝朝聽尚壯急暮聞已衰遲仰看

青青葉亦復少華滋萬物同一氣固知當爾爲我友南
山居笑談解人頤分我秋柏實問言歸何時衣冠污窮
塵苟得猶苦飢低回歲已晚恐負平生期楞嚴經云豈
惟年變亦兼
月化何直月化兼又日遷○匡衡傳
匡說詩解人頤注使人笑不能止

秋日不可見

秋日不可見林端但餘黃

黃謂黃落也

杖藜思平野俛仰畏

無光栗栗澗谷風吹我衣與裳娟娟空山月照我冠上

霜

遂如哽絕人以爲
未盡未悟已多

騏驎在霜野

騏驎在霜野低回向衰草入櫪聞秋風悲鳴思長道黃
金作鞭轡粲粲空外好人生貴得意不必恨枯槁

悲哉孔子沒

悲哉孔子沒千歲無麒麟虫虫盡鉏耰此物誰能珍

哀公

十四年春西狩於大野叔孫氏之車子鉏耰獲麟以爲不祥以賜虞人仲尼觀之曰麟也然後取之

漢武

得一角燔烹誣鬼神更以黃金鑄傳誇後世人

嘉祐三年交趾

貢異獸二其國自稱爲麒麟或疑爲非麟或疑爲山犀或疑爲豹牛及回詔但稱得異獸今詩未知指此事否

味公之意疑其因以託興謂世之識真者鮮耳。漢郊祀志武帝元狩元年郊雍獲一角獸若麋然有司曰陛下肅祇郊祀上帝報享錫一角獸蓋麟云於是以薦五時時加一牛以燎此謂燔烹誣鬼神也本紀直作獲白麟書大始二年又詔更鑄黃金爲麟趾裏蹄以協瑞

秋庭午吏散

秋庭午吏散予亦歸息偃豈無佳賓客欲往心獨懶
此
窻古人篇一讀三四反悲哉不早計失道行晚晚

秋日在梧桐

秋日在梧桐轉陰如急轂冥冥蔽中庭下視今可曝
如日

車行之速也向苦桐陰之繁今則疎而可暴矣高蟬不復嘒稍得寒鴉宿百遶

有衰翁行歌待春綠

我欲往滄海

我欲往滄海客來自河源手探囊中膠救此千載渾

抱朴

子寸膠不能理黃河之濁我語客徒爾當還治崑崙

河出崑崙。此正本澄源之意

謂不當徒治其末歎息謝不能相看涕翻盆客止我且往濯髮

扶桑根春風吹我舟萬里空目存

前日石上松

前日石上松斲移沙水際青青折釵股俯映幽人砌
蟠根今鬖茂落子還蒼翠三年一楮葉世事真期費

列子說符

篇宋人有爲其君以玉爲楮葉三年而成鋒殺莖柯毫芒繁澤亂之楮葉中不可別也此人遂以巧食宋國子列子聞之曰使天地之生物三年而成一葉則物之有葉者寡矣故聖人恃道化而不恃智巧○莊子券外者志乎期費

日出堂上飲

日出堂上飲日西未云休主人笑而歌客子歎以悵指
此堂上柱始生在巖幽雨露飽所滋凌雲亦千秋所託

願永久何言值君收乃令卑濕地百蟻上窮鏤丹青空
外好鎮壓已堪憂爲君重去之不使一蟻留蟻力雖云

小能生萬蚍蜉

爾雅蚍蜉大螳小釋曰螳通名也其大者別名蚍蜉此詩意有所比喻而其詞

甚微又能高其礎不爾繼者稠語客且勿然百年等浮漚

爲客當酌酒何豫主人謀

此詩主以喻君客以喻臣堂以喻主人

居安而忘危爲客者視其蠹壞已甚將有鎮壓之憂爲主人圖所以弭患此而不忘君卷卷之義更張之念疑始於此又公弟平甫有詩亦云堂上有遺糞堂下無聚螳但知嗜欲求不必風雨至浸淫蚍蜉生穴柱從此始

莊生亦知言信矣常棄智

王荊公詩注卷十一

欽定四庫全書

王荊公詩注卷十二

宋 李壁 撰

古詩

孔子

聖人道大能亦博

史記顏子曰夫子之道至大故天下莫能容

學者所得皆

秋毫雖傳古未有孔子蟣蠓豈足知天高

公孫丑子貢曰自生民以

來未有夫子者也如公言則子貢爲蟣蠓耶○莊子桓丘之於道也其猶醯雞與注醯雞者甕中之蟣蠓

魑武叔不量力欲撓一草揺蟠桃

桓魋欲殺孔子叔孫武叔毀仲尼猶蚍蜉

而撼大樹

顏回已自不可測至死鑽仰忘身勞

言顏回所造已深於夫子

猶有高堅之歎

揚雄三首

孔孟如日月委蛇在蒼旻光明所照耀萬物成冬春揚

子出其後仰攀忘賤貧衣冠眇塵土文字爛星辰歲晚

天祿閣強顏爲劇秦

雄劇秦美新見於文選注云雄仕莽朝見莽數害正直之臣恐已見

危故著此文以秦酷暴之甚以新室爲美將悅莽意求免於禍非本情也

趨捨迹少邇邇字

遠字或苟字又行藏意終隣壤壤外逐物貨殖傳天下
謂迹若淺近然

往紛紛輕用身往者或可返吾將與斯人

其二

子雲遊天祿華藻銳初學

法言今之學者非特爲之華藻也

覃思晚有

得晦顯無適莫

雄始好詞賦擬相如以爲式晚以爲賦勸而不止頗似俳優非法度所存於是

輟不復爲而大覃思渾天倣周易作太玄象論語作法言泛然而仕不以顯晦累心故三世不徙官寥寥

鄒魯後於此歸先覺豈嘗知符命何苦自投閣

莽既以符命自

立劉歆子棻獻之莽投棻四裔辭所連及便收不請時雄校書天祿閣使者來欲收雄雄從閣上自投下幾死

斧聞之曰雄素不與事何故在此故曰豈嘗知

長安諸愚儒操行自爲薄謗嘲

出異已傳載固疎畧

言此事出於愚儒以已度雄又有嫉雄而造謗者史官不察因遂實

之而雄焉有是

孟子勸伐燕伊尹干說亳扣馬觸兵鋒食牛要

祿爵小知羞不爲況彼皆卓犖史官蔽多聞自古喜穿

鑿

武王伐紂伯夷叔齊扣馬而諫左右欲兵之太公曰此義人也扶而去之扣馬之諫恐不應與食牛負鼎

同指爲不可信○萬章上或曰百里奚自鬻於秦養牲者五羊之皮食牛以要秦繆公○曾子固言前世之傳者以謂伊尹以割烹要湯孔子主癰疽瘠環孟子皆斷以爲非伊尹孔子之事蓋以理攷之知其不然也觀雄之所樹立故介甫以謂世傳其投閭者妄也豈不猶孟子之意哉

其三

子雲平生人不

一作莫

知知者乃獨稱其辭今尊子雲者

皆是得子雲心亦無幾聖賢樹立自有師人知不知無
以爲俗人賤今常貴古子雲今存誰汝數

漢文帝

輕刑死人衆

文帝十三年詔夫刑至斷支體刻肌膚終身不息何其刑之痛而不德也其除肉刑

有以易之是後外有輕刑之名內實殺之

喪短生者偷

孟子齊宣王欲短喪漢文遺詔云朕既不

德亡以佐百姓今崩又使重服以離寒暑之數然則前此民間皆服三年喪也堯崩三載四海遏密八音禮大

功九月小功五月總三月遺詔云其令天下吏民令到
出臨三日皆釋服又云服大紅十五日小紅十四日織
七日是教仁孝自此薄哀哉不能謀露臺惜百金周人

人以偷薄以鑑計漢人之金以斤計斤方寸而重一斤也惠帝初
即位賜將軍四十斤鄭氏計四十金四十斤也孝文言
百金中人十家之產然則一金非今一兩之謂灞陵無高丘七年初置南陵即
爲藏不復起墳在長安南故王樂淺恩施一時長患被
詩云南登灞陵岸回首望長安

九州

秦始皇

天方獵中原狐兔在所憎傷哉六孱王

張耳傳貫高曰
吾王孱王也

當此鷺鳥膺

始皇紀注鷺鳥鵲膺突向前其性悍勇

搏取已掃地翰飛尚

憑凌逝將跨蓬萊以海爲丘陵

始皇二十八年齊人徐市等上書言海中有三

神山名曰蓬萊方丈瀛洲仙人居之請得齋戒與童男女求之於是遣徐市發童男女數千入海求仙人勒

石頌功德羣臣助驕矜

始皇作琅邪臺立石刻頌功德末云羣臣相與誦皇帝功德刻

千金石以爲表經

舉世不讀易但以刑名稱蚩蚩彼少子何用

辨堅冰

秦焚書既專事刑名獨易以卜筮之書雖免於焚而不讀矣胡亥始皇之少子

韓信

韓信寄食常歛然邂逅漂母能哀憐

信傳家貧无行常從人寄食至城下

釣有一漂母
哀之飯信

當時噲等何由伍但有淮陰惡少年

信出門笑

曰生乃與噲等爲伍又信微時淮陰少年侮信令出跨下信王齊召以爲中尉曰此壯士也觀此則少年亦信

之徒非噲等敢望

誰道蕭曹刀筆吏從容一語知人意

信數與蕭何語

奇之信亡何不及以聞追之班固贊曰蕭何曹參皆起秦刀筆吏

壇上平明大將旗舉

軍盡驚王不疑

王召信拜爲大將何曰王素嫚无禮此乃信所以去也王必欲拜之擇日齋戒

設壇場具禮乃可王許之諸將皆喜人人各自以得大將至拜乃韓信也一軍盡驚搏兵擊楚淮

半涉

一作救兵半楚淮半涉

從初龍且聞信怯

龍且救齊與信夾淮水陣信乃夜令

人爲萬餘囊滿沙壅水上流引軍半渡擊且佯不勝還走且果喜曰固知信怯也遂追信渡水信使人決壅囊

水大至且軍大半不得渡即急擊殺且鴻溝天下已橫分談笑重來卷楚

氛

羽自知少助食盡信又進兵擊楚羽患之乃與漢約

良陳平諫乃徵信引兵會垓下遂滅楚但以怯名終得

羽誰爲張費兩將軍

少年侮信雖長大好帶劍怯耳信熟視俛出其跨下一市皆笑信以

爲怯然則信自微時已有怯名矣○漢五年信將三十萬垓下自當羽孔將軍居左費將軍居右高帝在其後絳侯柴武在高帝後此言兩將軍猶腹背之毛其實當羽者信也○觀史記乃孔將軍諸本作張字誤

叔孫通

先生秦博士秦禮頗能熟

通秦時以文學徵待詔博士後以對羣盜特鼠竊二世說

拜爲博士言但知秦禮而已量主欲有爲兩生皆不欲

不足以知三代之禮樂也

始漢儀務爲簡易羣臣至拔劍擊柱通知上益厭之

說上曰禮因時世人情爲之節文臣願頗采古禮與秦

儀雜就之上曰可試爲之令易知度吾所能行爲之此

云量主欲有爲者爲是也方通徵魯諸生有兩生不肯

行曰吾不忍爲公所爲

公所爲

草具一王儀

草具謂綿

不合古吾不行公往矣无汚我草具一王儀絕也漢贊

叔孫通舍枹鼓

羣豪果

知肅

漢七年長樂宮成諸侯朝

而立一王之儀羣豪果知肅十月始用所制儀自諸侯

王以下莫不

黃金既徧賜

通爲朝儀竟賜金五百

短衣

震恐肅敬黃金既徧賜通爲朝儀竟賜金五百短衣

亦已續儒術自此凋何爲反初服

通始降漢儒服漢王

憎之乃變其服短衣

楚製至是始易其衣不復爲短衣○楚辭退將復

修吾初服意言通既自貶以從時雖返儒服何益

楚製至是始易其衣不復爲短衣○楚辭退將復

修吾初服意言通既自貶以從時雖返儒服何益

東方朔

平原狂先生隱翳世上塵

褚先生續滑稽傳云朔上書用三千奏牘詔拜爲郎數賜

繅帛擔揭而去人主左右諸郎半呼之爲狂人朔嘗行殿中郎謂之曰人皆以先生爲狂朔曰如朔等所謂避世於朝廷間者也古之人乃避世於深山中時坐席中酒酣據地歌曰陸沉於俗避世金馬門宮殿中可以全身何必深山之材多不可數上知朔多端召問朔何恐中蒿蘆之下

端之意

射覆亦絕倫

朔稍得親近上嘗使諸數家射談辭覆不能中朔得之連中輒賜帛

最詆怪發口如有神

朔雖談笑然觀察顏色直言切諫○陳軫曰軫可發口言乎以

此得親幸賜予頗不貧

滑稽傳云建章宮後閣有物出焉其狀如麋朔曰所謂騶牙者

也遠方當來歸義後混邪王來降漢乃復賜東方生錢財甚多

金玉本光瑩泥沙豈能

堙時時一悟主驚動漢庭臣

舍人所問朔應聲輒對變詐鋒出莫能窮者左右大

驚上以朔爲常侍郎遂得愛幸朔斥董偃不得侍酒宣室且言偃以人臣私侍公主敗化亂禮傷王制乃國家之大賊人主之大域罪當斬又言淫亂之漸其變爲篡上爲更置酒北宮又諫廢苑囿陳孝文時事以諷時時一悟主不肯下兒童
本傳自公卿在位朔皆傲弄無所爲屈故言不肯下兒童敢言

詆平津

上嘗問朔方今公孫丞相兒大夫董仲舒夏侯始昌司馬相如汲黯膠倉終軍司馬遷之倫皆

辯智閑達溢於文辭先生自視何與比朔對臣觀其插齒牙樹頰頰吐唇吻擢項頤結股腳連睢尻遺蛇其迹行步偶旅臣朔雖不肖尚兼此數人者詆平津殆謂此
何知夷與惠空復忤時人

揚子或問東方朔名過實者何也曰應諧不窮正諫穢德又曰非夷齊而是柳下惠戒其子以尚容首陽爲拙柱下爲工飽食安坐以仕易農依隱玩世詭時不逢其滑稽之雄乎注云朔非夷曠而尚取容依約玩弄於世何所比哉何知夷與惠謂朔雖時直言有補然其實不足以及知夷惠也陳無已亦云東方生和而近汚然不同也爲柳下氏而過之者乎孔子謂學柳下惠未有如魯之男子者也

楊劉

人各有是非犯時爲患害唯詩以譎諫言者得無悔厲

一作汾

王昔監謗變雅今尚載

監謗事見國語然召穆公凡伯衛武公芮伯皆作詩

刺之今民勞板蕩抑桑柔等篇尚載於大雅

末世忌諱繁此理寧復在南山

詠種豆議法過四罪

楊惲傳與孫會宗書其詩曰田彼南山蕪穢不治種一頃豆落而爲

其人生行樂耳須富貴何時注蕪穢言漢庭之荒亂也帝見書惡之廷尉當惲大逆無道要斬故云過四罪

玄都戲桃花母子受顛沛

劉禹錫召還宰相欲任以兩省郎而禹錫作玄都觀看花

君子詩語譏忿當路者不喜出爲播州刺史中丞裴度爲言播極遠猿狖所宅禹錫母八十餘不能往當與其子死訣恐傷陛下孝治乃易連州詩言顛沛指此也後自和州入爲主客復作玄都桃花詩

疑似已

如此況欲諄諄誨事變固不同楊劉可爲戒

臧倉

位在萬乘師孟子猶不遇

揚子雲解嘲孟子雖連蹇猶爲萬乘師。孟子臧氏之子

焉能使予
不遇哉

豈云貧與賤世道非吾趣意行天下福事忤
油然去命也固有在臧倉汝何與

田單

湣王萬乘齊走死區區燕

湣王走莒淖齒殺之言以大國而困於弱燕自取之也

田單一即墨

即墨大夫戰死城中相與推田單拒燕

掃敵如風旋舞鳥怪

不測

單令城中人食必祭先祖於庭飛鳥悉翔舞而下食燕人怪之單因宣言曰神來下教我取一卒東

向坐師事之每出約束必稱神師

騰牛怒無前

燕軍益懈單乃收城中得千餘牛爲絳繒衣畫

以五綵龍文束兵刃於其角而灌脂束葦於尾燒其端鑿城數十穴夜縱牛壯士五千人隨其後牛尾熱怒而

奔燕軍燕軍大駭敗走七十餘城皆復爲齊

飄飄樂毅去磊砢功名傳掘葬

與臯降論乃愧儒先

單宣言曰吾懼燕軍臯所得齊卒置之前行與我戰即墨敗矣燕人

聞之如其言城中人見齊卒降者盡臯皆怒堅守惟恐見得單又縱反間曰吾懼燕人掘吾城中塚墓僇先人可爲寒心燕軍果盡掘壟墓齊人望見皆涕泣其深誠欲出戰怒自十倍此言愧儒先以其用譎詐勝也

可奮士王蠋豈非賢

王蠋曰忠臣不事二君貞女不更二夫齊王不聽吾諫故退而耕於

野國既破亡吾不能存今又劫之以兵爲君將是助桀爲虐也遂經其頸於樹枝自奮絕脰而死齊士大夫聞之曰王蠋布衣也義不北面於燕況在位食祿者乎乃相聚如莒求諸子立爲襄王此謂單之功不及蠋也

戴不勝

昔在宋王所皆非薛居州區區一不勝辛苦亦何求懷
祿詎有恥言既懷祿則爲竊位廉隅毀矣知命乃無憂比士自可憐能
復識此不

陸忠州

虞人以士招御者與射比當時尚羞爲況乃天下士

孟子

萬章敢問招虞人何以曰以皮冠庶人以旃士以旂大夫以旌又滕文公御者且羞與射者比比而得禽獸雖若丘陵弗爲也英英陸忠州學問輔明智低回得坎壈勲業終

不遂

嘗謂宣公雖以忠諫名然使德宗呼之爲陸九不敬孰甚焉是必已有以致之低回之語殆指此類

開元行

君不聞開元盛天子糾合雋傑披姦倡

韋后弒中宗矯詔稱制玄宗以

臨淄王與劉幽求鍾紹京等定策討亂或請先啟相王玄宗曰請而從是王與危事不從則吾計失矣夜率萬

騎入北軍誅韋氏安樂公主韋巨源武延秀等相王即皇帝位王爲皇太子又三年有天下

幾年辛

苦補四海始得完好無疽瘡

玄宗覽鏡云吾雖瘠天下肥矣此補完之意

一

朝寄託誰家子威福顛倒誰復理

寄託謂李林甫楊國忠

那知赤

子徧愁毒祗見狂胡倉卒起茫茫孤行西萬里

天寶十四載祿

山反次年幸蜀偏仄歸來竟憂死子孫險不失故物

上自蜀還居於興慶

宮上元元年爲李輔國逼遷西內悒悒以終。漢成趙
后傳云我危殺之注危險也春秋傳祀夏配天不失故
物社稷陵夷從此始由來犬羊著冠坐廟堂安得四鄙

無豺狼

漢書龔遂曰言在側者盡冠狗也師古曰言左
右侍側之人不識禮義若狗而著冠者耳又沐

猴而冠皆同此義
張綱傳豺狼當道

相送行效張籍

一車南一車北身世忽忽俱有役憶昔論心兩綢繆那
知相送不得留但聞馬嘶覺已遠欲望應須上前坂秋
風忽起吹沙塵雙目空回不見人

晉王導傳西風塵起
舉扇自蔽。詩燕燕

篇瞻望弗及佇
立以泣即此意

陰漫漫行

愁雲怒風相追逐青山滅沒滄江覆少留燈火就空床

更聽波濤圍野屋

李白詩北風三日吹倒江倒即覆也

憶昨踏雪度長安

夜宿木瘤還苦寒

木瘤地名在舒州魏武有苦寒行

誰云當春便妍暖

十日八九陰漫漫

杜詩元日到人日未有不陰時寧戚飯牛歌長夜漫漫何時旦

一日歸行

賤貧奔走食與衣百日奔走一日歸平生歡意苦不盡

正欲老大相因依空房蕭瑟施總帷

魏武遺令曰於臺堂上施八尺牀張

總帳

青燈半夜哭聲稀音容想像今何處地下相逢果是

非

周勃傳君不欲反地上即欲反地下耳。漢武爲李夫人作歌曰是邪非邪立而望之偏何姍姍其來遲

○樂天哭夢得夜臺暮齒期非遠但問前頭得見無亦此意。上三詩相送行恐謂司馬公及韓持國呂晦叔輩陰漫漫恐指呂惠卿輩也。一日歸行恐是元豐末年時作

汴流

汴水無情日夜流不肯爲我少淹留相逢故人昨夜去

不知今日到何州

言逝水無頃刻之駐猶故人行不已也

州州人物不相

似處處蟬聲令客愁可憐南北志未

一作意不

就二十起家

今白頭

揚雄傳丁董用事諸附離者或起家至二十石

陰山畫虎圖

陰山健兒鞭鞞

一作控

急走勢能追北風及逶迤一虎出

馬前白羽橫穿更人立

盧綸擒豹歌捨鞍解甲疾如風人忽虎蹲獸人立○白羽箭也

回旗倒戟四邊動抽矢當前放蹄入

放蹄入謂馬蹄入

爪牙蹭蹬

不得施磧上流丹看來濕

李白胡馬歌白刃灑赤血流沙爲之丹

胡天朔

漠殺氣高煙雲萬里埋弓刀

唐人詩大雪埋弓刀

穹廬無工可貌

此漢使自解丹青包

言外國不能畫漢使自摹寫也。杜詩粉黛亦解包。

堂上絹

素開欲裂一見猶能動毛髮

杜甫曹將軍畫馬歌縞素漠漠開風沙又丹青引詔

謂將軍拂絹素

低回使我思古人此地搏兵走戎羯

田敬仲世家馮因搏

三國之兵。吳漢等贊戎羯喪其精膽注羯本匈奴別種又史記其民羯羗不均皆健羊名言性健悍而不均


禽逃獸遁亦蕭然豈若封疆今宴眠契丹弋獵漢耕作

飛將自老南山邊還能射虎隨少年

李廣傳廣在郡匈奴號曰漢飛將軍

又廣傳吏當廣贖爲庶人數歲與頽陰侯屏居藍田南山中射獵。少陵詩杜曲幸有桑麻田欲將移住南山

邊短衣匹馬隨李廣看射猛虎終殘年



王荊公詩注卷十二

欽定四庫全書

集部

王荊公詩注卷十三至
五

詳校官庶吉士

臣

龍廷槐

檢討

臣

何思鈞覆勘

總校官進士

臣

繆

琪

校對官庶吉士

臣

羅修源

謄錄監生

臣

謝

惇

欽定四庫全書

王荊公詩注卷十三

宋 李壁 撰

古詩

杜甫畫像

苕溪漁隱曰李杜畫像古今詩人題詠多矣若杜子美其詩高妙固不待

言要當知其平生用心處則半山老人之詩得之矣

吾觀少陵詩謂與元氣侔力能排天幹九地壯顏毅色
不可求浩蕩八極中生物豈不稠醜妍巨細千萬殊竟

莫見以何雕鏤惜哉命之窮顛倒不見收

甫上書自稱自七歲屬辭

且四十年然衣不蓋體常寄食於人竊恐轉死溝壑惟天子哀憐之觀此其窮可知矣

青衫老更

斥

甫至德二年自賊中亡走鳳翔謁帝拜右拾遺旋以房琯罷甫疏言罪細不宜免大臣坐是斥

餓走

半九州瘦妻僵前子仆後攘攘盜賊森戈矛

傳稱時所在寇奪甫

家寓邠彌年鰥寡孺弱至餓死因許甫自往省視為華

州司功叅軍闕輔飢輒棄官去客秦州負薪採橡栗自

給流落劍南結廬成都西郭從嚴武幾為所殺武卒崔

旰等亂甫往來梓夔間大歷中出瞿唐下江陵泝沅湘

吟哦當此時不廢朝廷憂常願天子聖大臣各伊周寧

令吾廬獨破受凍死不忍四海赤子寒飈颺傷屯悼屈

止一身嗟時之人我所羞所以見公像再拜涕泗流推

公之心古亦少願起公死從之游

公不喜李白詩而推敬少陵如此特以其

一飯不忘君而志常在民也

吳長文新得顏公壞碑

魯公之書既絕倫歲久更爲時所珍荒壇壞塚朽崖屋
剝落風雨埋煨塵斷碑數尺誰所得點畫入紙完如新

延陵公子好事者拓取持寄情相親

歐公集古錄敘好之已篤則力雖不

足猶能致之故上自周宣下更史漢隋唐五代外至四海九州窮崖絕谷荒林破塚神仙鬼物詭怪所傳莫不

皆有○延陵
謂長文也

六書篆籀數變改訓詁後世多失真

六書即周

官保氏教國子以六書注象形象事象意象聲轉注假借造字之本所謂字有六義者是也周宣王時史籀始著大篆十五篇或與古同或與古異世謂之籀書至秦焚燒先典古文遂絕李斯趙高皆取史籀大篆或頗省改所謂小篆者或曰程邈造又曰邈所定乃隸字也蓋秦厭篆字難成即令隸人佐書曰隸字又上谷王次仲始作楷法所稱妄鑿者後來蕭衍評書三十六種之類亦是也大抵自秦改小篆作隸書人益趨簡便古法既變字義浸謾許叔重患其若此集倉雅之學研六書之旨作說文解字十五篇篆籀之體由是粗可考然得其真者誰初妄鑿妍與醜坐使學士勞骸筋

梁鵠相魏以勤書自効張

伯英臨池學書池水盡黑皆勞骸筋者李端伯記二程語云子弟凡玩好皆奪志至於書札於儒者事最近然

一向好著亦自喪志如王虞顏柳輩誠為好人則有之
曾見有善書者知道否平生精力一用於此非惟徒廢
時日於道便有妨處足知喪志堂堂魯公勇且仁出遇世難親經綸揮

毫卓犖又驚俗豈亦以此誇常民但疑技巧有天得不

必勉強方通神

杜詩書貴瘦
硬方通神

詩歌甘棠美召伯愛惜蔽

芾由思人時危忠誼常恨少寶此勿復令埋堙

鄭駟歎
殺鄧析

君子謂子然不忠詩曰蔽芾甘棠勿剪勿伐召伯所茇
思其人猶愛其樹況用其道不恤其人乎歐公言使願
公書雖不佳後世見者未必不寶也又云古人豈皆能書獨其賢者傳遂遠

答揚州劉原甫

原甫知揚州在嘉祐元年二年
三年國史傳敝字仲原父袁州

臨江人慶歷中舉進士廷試第一編排官王堯臣以親嫌自列乃以爲第二召入朝判考功言夏竦謚文正不應去張貴妃追號溫成皇后有請立忌者敞言太祖以來后廟四室陛下之妣也猶不立忌宜可以私昵之愛而變古越禮乎嘉祐四年裕饗薦羣臣上尊號敞言自寶元以來不受徽號今二十年奈何一旦增虛名而損實美仁宗從之禮官建白請以孝章皇后以下四主饗於別廟不升合食敞奏九經所載祫祭制度最明備者莫如春秋公羊傳自漢以下皆引以爲證所謂未毀廟者豈有帝后之限哉國朝循守行之且百年今羣臣不務推原春秋之義而獨引後儒疑近之說不務講求本朝之故而專倡異代難通之制不務將順主上廣孝之心而輕議宗廟久行之儀欲擯隔四后不得合食於

先帝臣竊恨之昔貢禹議罷原廟丞相衡議
遷郊兆羣臣和之者非一自以謂周公孔子
復生不可得變元帝信之然而通人未以爲
當既而皆悔之則无及矣敬爲人明白俊偉
善論說當時學者未知崇尚經術獨敬能傳
經引義自六經諸子百氏至傳記小說无不
通貫而文章尤敏贍在西掖一日追封皇子
公主九人敬將下直爲之立馬却坐食頃九
制數千言已就遇事多所建明以好譏議爲
執政所忌故知制誥積七年不遷卒年五十
據此則公詩所稱高
世才真不虛美矣

少食苦不足一官聊自謀爲生晚更拙懷祿尚遲留

勉詎有補

詩遲勉從事

強顏包衆羞

易否包羞位不當也

謂我古人風

知君以相優

公自注云來詩有因君古人風更欲投吾簪之句

君實高世才主

思正繆綢哥矣哀此民華簪寧易投

北山移文昔聞投簪逸海岸

寄鄂州張使君

昔人寧飲建業水共道不食武昌魚公來建業每自如

亦復不厭武昌居

孫權黃武八年童謠云寧飲建業水不食武昌魚寧就建業死不就武昌

居武昌山川今可想綠水逶迤煙莽蒼白鷗晴飛隨兩

槳岸薺茸茸映魚網投老留連陌上塵思君一語何由

往

送元厚之待制知福州

名絳工於文詞爲流輩所推神宗遇絳甚厚其

卒也詔其家集平生之文章上之絳在中書
蕃夷書詔多出其手居外所至有威名然傷
急暴。絳自鹽鐵副使出知福州擢天
章閣待制始班侍從故詩云改新步

海隅山谷間人物最多處平旦息相吹

莊子生物以息相吹也

連

城默如霧閩王舊宮室

五代史王審知封閩王

丹漆美無度今爲

大帥府千里來赴愬元侯文章翁更以吏能著我戎中

天閣鳴玉改新步銜詔出梨嶺方爲遠人慕

梨嶺閩之最高山

旌旗滿流水冠蓋東門駐四坐共咨嗟疑侯不當去張

仲稱孝友樊侯正求助

詩侯誰在矣張仲孝友樊侯公自指也本傳稱絳諂事公父子

云名城雖云樂行矣未宜遽

厚之到閩有詩謝京師故人曰丹荔黃甘北苑茶勞

君誘我向天涯爭如太液樓邊看池北池南總是花

傷杜醇

杜生四五十孝友稱鄉里隱約不外求

詩意謂有道者无所假於外而

樂耕桑有妻子

漢楊惲答孫會宗書率妻子戮力耕桑

藜杖牧雞豚筠筒

釣魴鯉

鮑明遠東武吟倚杖牧雞豚純同郭景純江賦筒灑連鋒罾罾比船注筒灑罾罾取魚器也

歲時沽酒歸亦不乏甘旨天涯一柸飯夙昔相逢喜談

辭足詩書篇詠又清泚都城問越客安否常在耳日月

未渠央如何棄予死古風久凋零好學少爲已悲哉四

明山此事

一作士

今已矣

公爲鄆縣常有書請醇入縣學及在朝又數從越人問其安否

公厚醇如此其退之所稱董召南之流乎讀公詩可想見其人

哭梅聖俞

歐公亦有哭聖俞詩同此韻○王文康初見聖俞文歎曰二百年无此作

矣近臣薦公經明行修願得留與國子諸生講論道德作爲雅頌以歌詠聖化

詩行於世先春秋國風變衰始柏舟文辭感激多所憂
律呂尚可諧鳴球先王澤竭士已偷紛紛作者始可羞

其聲與節急以浮真人當天施再流篤生梅公應時求

頌歌文武功業優經奇緯麗散九州衆皆少銳老則不

公獨辛苦不能休惜無采者人名適

道人宣令之官正義訓適為聚聚人

而令故以為名

貴人憐公青兩眸

阮籍傳籍能為青白眼見禮俗之士以白眼對之嵇康來

乃見吹噓可使高岑樓坐令隱約不見收

岑樓山之銳嶺者貴人謂

歐公輩徒能資之而不能薦也歐公歸田錄云梅聖俞以詩知名三十年終不得一館職晚年與修唐書語其

妻刁氏曰吾之修書可謂糊孫入布袋矣刁氏對曰空君於仕宦亦何異鮎魚上竹竿耶聞者皆以為善對

能乞錢助饋餽疑此有物司諸幽

爾雅饋餽稔也釋曰稔熟也孫炎曰蒸之

曰饋均之曰餽說文云饋一蒸米也餽飯氣流也大雅
洞酌云可以饘饘其義同韓集南山詩或如火熺煙或
若氣饘餽○公所以得為國子監直講者以近臣趙鼎
等薦然未足究其蘊猶不薦也檀弓北面求諸幽此借

用棲棲孔孟葬魯鄒後始卓犖稱軻丘聖賢與命相楯

矛勢欲強達誠無由詩人沉又多窮愁李杜亦不爲公

侯公窺窮阨以身投坎軻坐老當誰尤吁嗟豈即非善

謀虎豹雖死皮終留

豹死留皮人死留名梁王彥章語

飄然載喪下陰

溝粉書幅軸懸無旒

公嘉祐五年死於京師年五十九其孤增載其柩歸宣州○官小者

於制無旒高堂萬里哀白頭東望使我商聲謳

母仙遊縣太君東氏清河

縣太君張氏聖俞死張氏猶在。商聲屬秋而悲寧戚扣牛角而商歌謂作商聲也

遊章義寺

章義寺本齊集善寺唐改今名又改爲法雲院在蔣山寺西

九日章義寺倦遊因解鑣拂榻寄午夢起尋北山椒

山椒

也山陵

岑蔚鳥絕迹悲鳴惟一蜩歡言與僧期於此共簞

瓢斬松八九根窗壁具一朝伏檻何所見蒼蒼圍寂寥

巖谷寒更靜水泉清不搖安得有車馬尚無漁與樵神

茂真觀復

道家云神住則氣住氣住則形住世人多苦神氣散亂真觀何從而復公所謂真觀者即

元神非識神也

心明衆塵消陰嶺有佳客儻來不須招

鉢祈澤寺

按建康志祈澤寺在府城東驛路之北去城二十五里宋少帝建

駕言東南還午鉢投僧館山白梅藥長林黃柳芽短苓

箸沙際來

元結傳帶苓箸而盡船獨聲齧而揮車苓力丁切箸息極切取魚籠也

畧釣桑

間斷

武帝紀初擢酒酤注擢者步涉橋爾雅謂之石缸今之畧釣是也釣音酌

春映一川明

雪消千壑漫魚隨竹影浮鳥誤人聲散翫物豈能留干

時吾自懶

答瑞新十遠

瑞新死心禪師。公集有書瑞新道人壁必此人也今附於此始瑞

新道人治其衆於天童之景德予知鄞縣愛其材能數與之遊後新主此山之四年予自

淮南來視蘇州之積水卒事訪焉則新既死
於京師聞其死者知與不知莫不愴焉而予
與之又久以深宜其悲也夫新之材信奇矣
然自放於世外而悼惜之如此彼公卿大夫
操治民之勢而能以利澤加焉則其生也榮
其死也哀不亦宜乎皇祐五年六月十五日
臨川王
某謹題

遠水悠悠碧遠山天際蒼中有山水人寄我十遠章我
時在高樓徙倚觀八荒亦復有遠意千載不相忘

送文學士倅邛州

文同與可也上世自巴徙梓
之永泰登皇祐元年高第嘉

祐四年任館職以親老請通判邛州誌稱與
可資廉方居家不問資產所至尤恤民事有

不便如已納之阱中必爲出之而後已退而齊居一室書史圖畫羅列左右彈琴著文寒暑不廢事親孝未嘗違去晨暮恬於遠宦以便甘旨者十有餘年不趣時好不避權仇修其在已而不求其在人者安義與命蓋超然自得平居以言誨諸子而自踐之者其大旨如此故凡與之游皆名節文行之士顯用於今者而公獨不與焉命也夫司馬溫公嘗遺書曰與可襟韻蕭灑如晴雲秋月塵埃不到光心服者非特辭翰而已

文翁出治蜀蜀士始文章

按文翁景帝末爲蜀郡守仁愛好教化見蜀地僻陋有蠻夷風文翁欲誘進乃選郡縣小吏開敏有材者張叔等

十餘人親自飭厲遣詣京師受業博士數歲蜀生皆成就還歸文翁以爲右職用次察舉官有至郡守刺史者又修起學校於成都市中招下縣子弟以爲學官弟子

爲除更徭高者以補郡縣吏次爲孝弟力田常選學官
童子使在便坐受事每出行縣益從學官諸生明經飭
行者與俱使傳教令出入閭閻縣邑吏民見而榮之縣
是大化蜀地學於京師者比齊魯焉至武帝時乃令天
下郡國皆立學校官自文翁爲之始云文翁終於蜀吏
民爲立祠堂歲時祭祀不絕至今巴蜀好文雅文翁之
化也

司馬唱成都嗣音得王楊犖犖漢守孫千秋起相望

據與可誌銘范子功作云其先文翁廬江人爲蜀守子孫因家焉

操筆賦上林脫身選

爲郎

司馬相如上林賦奏天子以爲郎

擁書天祿閣奇字校偏旁

劉棻嘗從

雄學作奇字

忽乘馬車牛酒過故鄉時平無諭檄

相如既拜中郎

將建節乘傳往賂西南夷至蜀太守以下郊迎卓王孫
臨邛諸公皆因門下獻牛酒以交驩。相如爲郎會唐

蒙發吏民千人轉漕萬餘人通夜郎焚中巴蜀大驚不
恐於是遣相如責蒙因以檄諭告蜀民以非上意

訪碧雞祥

水經越鵲有同山其山神有金馬碧雞光景
倏忽民多見之漢遣王褒往祭欲致其雞馬

道病卒褒碧雞頌曰敬
移金精神馬縹碧之雞問君行何為關隴正繁霜中和

助宣布循吏綴前芳宜特爲親榮區區誇一方

漢宣帝
時益州

刺史王褒欲宣風化於衆庶召
王褒使作中和樂職宣布詩

送宋中道通判洛州

中道參政
綬之季子

漳水不灌鄴不知幾何時後世有史起乃能爲我爲

史魏

起引漳水溉鄴漳濁漳也按水經出上黨長子縣西又
東出山過鄴縣西漢志曰魏文侯時西門豹爲鄴令有

令名至文侯曾孫襄王時與羣臣飲酒王爲羣臣祝曰
令吾臣皆如西門豹之爲人臣也史起進曰魏氏行田
也以百頃鄴獨二百畝是田惡也漳水在其傍西門豹
不知用於是以史起爲鄴令遂引漳水溉鄴以富魏之
河內民

余嘗憐洺民舄鹵半不治

舄鹵鹹地也。許氏說文鹵鹽地也。東方

謂之斥西方謂之鹵又貨殖傳太公封於營丘地舄鹵注鹹地也

頗覺漳可引但爲談

者嗤

介甫既相遣程助治漳水一方大騷竟無成功

高議不同俗功成人始思

夫子到官日勿忘吾此詩

送張公儀宰安豐

縣屬壽州

楚客來時雁爲伴歸期祇待春
冰泮雁飛南北三兩回

回首湖山空夢亂秘書一官聊自慰安豐百里誰復歎
揚鞭去去及芳時壽酒千觴花爛漫

送陳諤

有司昔者患不公糊名謄書今故密論才相若子獨棄
外物有命真難必鄉閭孝友莫如子我願卜鄰非一日
朱門奕奕行多慚歸矣無爲惡蓬華

孫長倩歸輝州

溪澗得雨潦奔逸不可航江湖收百川浩浩誰能量溪

澗之日短江海之日長願生畜道德江海以自方

送喬秀才歸高郵

薄飯午不羹空爐夜無炭寥寥日避席烈烈風欺幔謂
予勿惡此何爲向子歎長年客塵沙無婦助親爨寒暄
慰白首我弟纔將冠遭迴歲又晚想見淮湖漫古人一
日養不以三公換田園在戮力且欲歸鋤灌行矣子誠
然光陰未宜翫負米力有餘能無讀書伴

雲山詩送正之

雲山參差碧相圍溪水詰曲帶城陴

韓詩綿綿相糾結狀似環城陴又詰

曲思曾繞

溪窮壤斷至者誰予獨與子相諧熙

韓祭李氏文出從於人既

相諧嬉

山城之西鼓吹悲水風蕭蕭不滿旗

李義山聖女祠詩一春夢

雨常飄瓦盡日靈風不滿旗

子今去此來何時予有不可誰予規

正

謂孫侔公之畏友誰予規之語足見公始末嘗不樂聞忠告也

王荊公詩注卷十三

欽定四庫全書

王荊公詩注卷十四

宋 李壁 撰

古詩

和甫如京師微之置酒

王哲字微之
時知江寧

季子將北征貂裘解亭臯

蘇秦黑貂之裘弊

使君擁鳴騶出餞

載酒醪作詩寵行色坐客多賢豪信知大夫才能賦在

登高涉此憂未已強歌反哀號

詩涉彼此兮瞻望毋兮
長歌之哀過於慟哭時

介父新免母喪餘哀未忘問言歸何時逮此冬風發川塗良阻修篁

轡慎所操黃屋初啟聖黃屋謂英廟即位初也萬靈歸一陶詢謀

及疎賤拔取皆時髦往矣果有合可辭州縣勞

漢梁竦州縣之

職徒勞人耳

別孫莘老

莘老名覺高郵人胡安定之高弟是王令一輩人與公素厚神宗欲莘積

弊覺言弊不可不革莘而當其悔乃亡上謂左右曰孫覺頗知理據此詩之作必在公未

變法之前○莘老當為宣州太平縣令疑此是合肥簿滿秩入都注令時○介甫後自羣

牧出憲江東莘老時猶在太平公集有與莘老一書論朋友切磨及鹽秤子事亦可見二

公情分始未嘗不同後
卒以論新法故異耳

逢原未熟我已與子相知自吾得逢原知子更不疑把
手湖上舟望子欲歸時茫然乃分散獨背東南馳寥寥
西城居邂逅與子期雞鳴入省門朱墨來紛披含意不
自得強顏聊爾爲會合常在夜青燈照書詩往往並衾
語至明不言疲忽忽捨我去使我當從誰送子不出門
我身方羈縻我心得自如今與子相隨隨子至湖上逢
原所嘗嬉想見荷葉盡北風卷寒漪已懷今日愁更念

昔日悲相逢亦何有但有鏡中絲

寄丁中允

丁寶臣字元珍晉陵人以太子中允知剡縣今詩題故稱中允也元珍以

文行稱東南多學者而湖杭尤盛多元珍所成就云

人生九州間泛泛水中木漂浮隨風波邂逅得相觸始
我與夫子得官同一州相逢皆偶然情義迺綢繆我於
人事疎而子久已修磨礪以成我德大不可疇乖離今
六年念子未嘗休豈不道相逢但得頃刻留歡喜不滿
顏長年抱離憂古人有所思千里駕車牛

嵇康傳東平呂安服康高

致每一相思
輒千里命駕
如何咫尺間
介甫爲鄞縣元珍在剡故云咫尺
而不與子

遊顧惜五斗米
淵明事
無辜自拘囚
念彼磊落者
心顏兩

慙羞剡山碧
榛榛剡水日
夜流山行苦
無巘水淺亦

舟使君子所
善來檝自可
求何時有來
意待子南山

頭
歐公元珍墓表言君治州縣聽決精明賦役有法民畏信而便安之始治剡如此後治諸暨以才行召用久在

閣館

示平甫弟

汴渠西受崑崙水
崑崙水黃河也
五月奔湍射萬矢
萬矢猛矢也
高

淮夜入忽倒流碕岸相看欲生觜

司馬相如宜春宮賦
臨曲江之隄州隄即

碕字萬檣如山屹不動嗟我仲子行亦止自聞留連且一

月每得問訊猶千里老工取河天上落

老工水工也存
中筆談自汴流

堙澱水皆
高出隄外伏礫澶沙卷無底土橋立馬望城東數日知

有相逢喜牆隅返照媚槐穀穀楮也池面過雨蘇篁葦欣

然把酒相與閒所願此時無一詭豈無他憂能老我付

與天地從今始

付與天地語所造至是益高他人不足
與及此故以語平父晦翁在史院酒半

嘗爲余誦此二
句意氣甚偉閉門爲謝載酒人外慕紛紛吾已矣載酒

揚雄事
見前

憶蔣山送勝上人

蒼藤翠木江南山，激激流水兩山間。山高水深魚鳥樂，

車馬迹絕人長閒。

退之詩水聲激激風生衣

雲埋樵聲隔葱蒨，月弄

釣影臨潺湲。黃塵滿眼衣可濯，夢寐惆悵何時還。

相國寺啟同天道場行香院觀戲者

侏儒戲場中，一貴復一賤。心知本自同，所以無忻怨。

優人

宣言人將官職，只好作奉使。借官看人之處，世亦何異戲者哉？只作侏儒看，又何忻怨之有。

馬上轉韻

此詩疑不類介甫作

三月楊花迷眼白
四月柳條空老碧
年光如水儘東流
風物看看又到秋
人世百年能幾許
何須戚戚長辛苦

富貴功名自有時
簞瓢捭茹亦山雌

揚子修身篇山雌之肥其意得乎回之簞

瓢癯如之何曰明明在上百官牛羊亦山雌也閭閻在上簞瓢捭茹亦山雌也何其癯詩意言雖處隱約貧困而泰然自足

乙巳九月登冶城作

冶城即謝安王羲之所登處見上注

欲望鍾山岑
因知冶城路
躋攀隱木杪
稍記曾遊處
紅

沉渚上日蒼起榛中霧即事有哀傷山川自如故

過劉貢甫

貢父名攸敝弟也同中進士科治平末趙槩薦攸可備文館中丞王絢御

史蘇寀共排之既試入優等當除直館時攸爲屯田員外郎例不爲校勘而執政止擬校勘以人言故也○神宗手詔推求太祖諸孫屬近行高者爲王以奉太祖後攸時爲禮官曰禮諸侯不得祖天子太祖傳天下於太宗猶商及王大統所在繼體之君皆太祖子孫不當別更置後謂宜德昭德芳世世勿降爵從祀宗廟從之講官建言願得坐講下或以爲可從攸執常禮謂不當坐且云人主命之坐與人主不命而請之逆順分矣卒如攸言熙寧十年召爲國史編修官御史言攸昔在館擲帽爲戲不可任史職宰相爲辨之持其

奏不下敕亦辭換開封府判官元祐初召爲中書舍人卒年六十七初司馬光奏敕與劉恕同修資治通鑑至是書成而恕已亡敕請於朝爲官其一子歐陽公始在政府首薦敕辭學優贍履行清謹記問該博可以備朝廷詢訪曾鞏掌外制舉敕自代云竊以謂引拔衆材彌綸世務至於博學之士固宜用在朝廷況今聖學高明究極今古凡在左右備顧問之臣尤須多識前載然後能稱其職如敕所長實允茲選蘇軾乞留敕奏云按敕名聞一時身兼數器文章爾雅博學強記政事之美如古循吏流離困躓守道不回此自朝廷之所知不待臣區區誦說但以人才之難古今所病舊臣日以衰老新進長育未成如敕成材反在外服此有志之士所宜為朝廷惜也張耒祭公文有云有問於子歸如得師直

貫旁穿水決矢飛一時書林衆俊並馳滿堂
賢豪視子塵揮逸足奇毛不受絏羈擯守列

郡吏畏民思又云誰與子仇敗

子百方雖然今日竟何有亡

去年約子遊山陂

公嘗和貢父詩云何時扁舟却顧我還欲與子遊山陂

今者仍

爲大梁客天旋日月不少留稱意人間寧易得天明徑

欲相就語雪霰填城萬家白冬風吹鬣馬更驕一出何

由問行迹能言奇字世已少終欲追攀豈辭劇

劇言勞劇之劇

枕中鴻寶舊所傳

劉向傳上復興神仙方術之事而淮南有枕中鴻寶苑祕書更生父德武

帝時治淮南獄得其書更生幼而讀誦以爲奇

飲我寧辭酒或索

索盡也

吾願與

子同醉醒顏狀雖殊心不隔故知今有可憐人回首紛

紛斗筭窄

左傳子產曰人心不同如其面然今反用謂貌異心同也可憐人指貢父

估玉

潼關西上古藍田

太平寰宇志藍田縣屬雍州。周禮職方氏曰玉之美者曰珠其次曰藍

蓋以縣出美玉故名藍田又有藍田山

有氣鬱鬱高拄天雄虹雌霓相結

纏晝夜不散非雲煙

春秋元命苞雄曰虹雌曰霓。至寶所在其上必有光氣新垣平言

臣望東北汾陰有金寶氣意周鼎其出乎

秦人挾斤上其巔視氣所出深鑱

鑄得物盈尺方且堅以斤試叩聲泠然持歸市上求百

錢人皆疑嗟莫愛
伶大梁老估聞不眠
操金喜取走踰
躑深藏牢包三十年
光怪隣里驚相傳
欲獻天子無由

緣朝廷昨日鐘鼓縣呼工琢圭寘神筵

按國史皇祐二年四月禮院言

季秋饗昊天上帝及五方帝於明堂當用四圭有邸青圭赤璋白琥黝璜黃琮各一并薦饗景靈宮用四圭有邸一凡七玉檢會慶歷七年郊制昊天上帝玉用蒼璧及詳開寶通禮明堂祀昊天上帝玉用四圭有邸今請如通禮望下三司令所屬會少府擇嘉玉預行修製詔禮官詳定禮神玉及燔玉制度以聞禮院又言若用景表尺即與黍尺差近恐真玉難得大者請以本院先定依聶宗義所說指尺爲度製造從之公此詩當是作於皇祐初緣詩有神筵之語爲明堂設也

玉材細瑣不中權
賈孫抱物詔使

前紅羅複疊帕紫氍發視紺碧光屬聯詔問與價當幾

千衆工讓口無敢先嗟我宜識厖與全

考工記玉人之事天子用全上

公用龍鄭司農注云全純色也龍當作厖厖雜色也

信都公家白兔

時歐陽公已位侍從爵信都縣開國男

水晶爲宮玉爲田常娥縞衣洗朱鉛宮中老兔非日浴

天使潔白宜嬋娟

典畧白兔者明月之精。莊子鵲不日浴而白。抱朴子曰兔壽千五百

歲其兔白嬋娟謂嫦娥也

揚鬚弭足桂樹間桂花如霜亂後前赤鴉

相望窺不得空疑兩瞳射日丹東西跳梁自長久天畢

橫施亦何有

詩大東有捄天畢載施之行注畢所以掩兔也何嘗見其可用乎

憑光下

視置罔繁衣褐紛紛謾回首去年驚墮滁山雲出入墟

莽猶無羣奇毛難藏果亦得千里今以窮歸君空衢險

幽不可返食君庭除嗟亦窘令予得為此兔謀豐草長

林且遊行

金樓子狐白之裘天子被之而坐廟堂為狐計者不若走於平澤詩稱得為此兔謀必本

諸此。據歐公白兔後卒逸去疑公不欲違物性而縱之託言失之耳公有思白兔雜言答梅公儀憶鶴之作今附於此君家白鶴白雪毛我家白兔白玉毫誰將贈兩翁謂此二物皎潔勝瓊瑤已憐野性易馴擾復愛仙格何孤高玉兔四蹄不解舞不如雙鶴能清嘯低垂兩翅趁節拍婆婆弄影誇嬌嬈兩翁念此二物者久不見

之心甚勞京師少年殊好尚意氣橫出爭雄豪清樽美酒不輒飲千金爭買紅顏韶莫令少年聞我語笑我乖僻遭譏嘲或被偷開兩家籠縱此二物令逍遙兔奔澗海却入明月窟鶴飛玉山千仞直上青松巢索然兩衰翁何以慰无繆纖腰綠鬢既非老者事玉山滄海一去何由招

車螯二首

沈存中云車螯即魁蛤也。紹聖三年始詔福唐與明州歲貢車螯肉柱

五十斤俗謂之紅密丁東坡所稱江瑤柱是也。車螯是大蛤一名蜃能吐氣爲樓臺海島淑常有此氣

中春夏間依約

車螯肉甚美由美得烹燔殼以無味弃弃之能久存予嘗怜其肉柔弱甘咀吞又嘗怪其殼有功不見論醉客

快一噉散投牆壁根寧能為收拾持用謁醫門

本草云殼能治

瘡癰腫毒

其二

車螯肉之弱恃殼保厥身自非身有求不敢微啟唇尚

恐獨者得

莊子公閱休冬則獨鼈於江

泥沙常埋湮往往湯火間身

盡殼空存維海錯萬物口牙工咀吞爾無如彼何可畏

寧獨人

言海之百怪亦善吞噬不獨人能捕爾也

無為久自苦含匿不暴隱

豁然縱所如游蕩四海漚

言畏禍太甚徒自苦耳不如蕩然肆志未必逢患也此言

蓋有清波濯其汙白日曬其昏死生或有在豈遽得烹

燔詩意似有所識

與平甫同賦槐

冰雪泊楚岸萬株同飄零春風都城居初見葉青青歲

行如車輪陰翳忽滿庭秋子今在眼何時動江舲言槐已實

而未能歸。此詩八句而該四時全不促迫而優游有餘其妙如此

甘棠梨

甘棠詩所歌自足誇衆果

蔽蒂甘棠勿剪勿伐注甘棠杜也又小雅有杖之杜有皖

其實則實者梨是也又山海經崑崙有木焉其狀如棠而黃葉赤實其味如李而無核名曰沙棠梨食之令人不溺亦甘棠梨之類愛其凌秋霜萬玉懸磊珂園夫盛採摘市賈

爭包裹車輪動盈箱舟載輒連柁朝分不知數暮在知

幾顆但使甘有餘何傷小而橢

圓而長曰橢爾雅蟻小而橢注謂狹而長也

主人捐千金飣餼留四坐柑棣與橙栗在口亦云可都城紛華地內熟易生火問客當此時蠲煩孰如我

獨山梅花

獨山在宣州溧水縣距建康屬耳又有獨水

獨山梅花何所似半開半謝荊棘中美人零落依草木

志士憔悴守蒿蓬亭亭孤艷帶寒日漠漠遠香隨野風
移栽不得根欲老回首上林顏色空

空者如空羣之空
言上林花皆不足

進

同昌叔賦雁奴

雁宿於江湖之岸沙渚之中動計千百大者居其中令雁奴圍

而警察南人有採捕者俟其天色陰暗或無月時於瓦罐中藏燭持棒者數人屏氣潛行將欲及之則畧舉燭便藏之雁奴驚叫大者亦驚頃之復定又如前舉燭雁奴又驚如是數四大者怒啄雁奴秉燭者徐徐逼之更舉燭則雁奴懼啄不復動矣乃高舉其燭持棒者齊入羣中亂擊之所獲甚多昔有淮南人張凝評事話之此人親曾採捕出玉堂閒話

蔡寬夫詩話云雁有小而善鳴者謂之雁奴
每羣宿輒往來巡視不瞑蓋亦物之能愛其
類者江湖間捕雁必先以計殺雁奴然
後羣雁可得宋景文公嘗著其說云

鴻雁無定棲隨陽以南北嗟哉此爲奴至性能惻人
將伺其殆奴輒告之亟舉羣寤而飛機巧無所得夜或
以火取奴鳴火因匿頻驚莫我捕顧謂奴不直嗷嗷身
百憂泯泯衆一息相隨入罾繳豈不聽者惑偷安與受
紿自古有亡國君看雁奴篇禍福甚明白此猶忠臣爲
國家計繩昏
警情衆既不喜又共嫉之。詩哀鳴嗷嗷此言雁奴身
懷百憂而衆雁安眠也。相隨言既不用事敗相隨俱

死如吳張悌唐
王彥章類是也

老樹

去年北風吹瓦裂牆頭老樹凍欲折蒼葉蔽屋忽扶疎
野禽從此相與居禽鳴無時不可數雌雄各自應律呂
我牀撥書當午眠能驚我眠聒我語古詩鳥鳴山更幽
我念不若鳴聲收但憂此物一朝去狂風還來欺老樹
此詩託意甚深當是更張後作。屋一作屈。梁王藉
僧祐之子也嘗游若邪溪賦詩其畧曰蟬噪林逾靜鳥
鳴山更幽當時以爲文外獨絕公詩又有
云茅簷相對坐終日一鳥不鳴山更幽

賦棗得燭字

種桃昔所傳種棗予所欲在實為美果論材又良木餘

甘入隣家尚得饒婦逐

王吉傳東家有大棗樹垂吉庭中吉婦取棗以啖吉吉後知之

乃去況余秋盤中快噉取贗足風包墮朱繒日顥皺紅

玉贄享古已然幽詩自宜錄

左氏女贄不過榛栗棗脩以告虔。詩幽風八月剥

棗緬懷青齊間萬樹蔭平陸誰云食之昏匿知乃成俗

范蔚宗香譜
棗膏昏鈍

廣庭觴聖壽以此參肴較願此赤心投皇

明儻予燭

梁蕭琛嘗侍宴醉伏上以棗投琛琛乃取栗擲上中面中丞在席帝動色曰此中有人不

得如此豈有說也琛曰陛下投臣以赤心臣敢報之以戰栗

飛雁

奉使時作

飛雁冥冥時下泊稻梁雖少江湖樂人生何必慕輕肥
辛苦將身到沙漠漢時蘇武與張騫萬里生還但偶然

丈夫許國當如此男子辭親亦可憐

沙漠中賦飛雁不怨自非怨又難為

語言至淺淺許有反覆无窮之味

王荊公詩注卷十四

欽定四庫全書

王荊公詩注卷十五

宋 李壁 撰

古詩

寓言十五首

不得君子居而與小人游疵瑕不相摩況乃禍釁稠高
語不敢出鄙辭強顏酬始云避世患自覺日已偷如傳
一齊人以萬楚人咻云復學齊言定復不可求仁義

在野欲從苦淹留不悲道難行所悲累身修

其二

周公歌七月耕稼乃王術宣王追祖宗考牧與宮室

雅小

無羊宣王考牧也注厲王之時牧人之職廢宣王始興而復之至此而成謂復先王牛羊之數斯干宣王考室也注謂築宮廟羣寢既成而饗之甘棠能聽訟召伯聖人匹後生論常

高於世復何實

詩言此三者世以爲迂緩不切而不知致治必出於此且傷後生忽近務遠好

高論而卒无其實所以民被其害

其三

婚喪孰不供貸錢免爾縈耕收孰不給傾粟助之生物

羸我收之物窘出使營後世不務此區區挫兼并

余嘗見楊

龜山誌譚勣墓云公雅不喜王氏或問其故曰說多而屢變無不易之論也世之爲奸者借其一說可以自解伏節死誼之士始鮮矣始余以勣言爲過今觀此詩不能無疑○周禮泉府凡賒者祭祀无過旬日喪紀不過三月凡民之貸者與其有司辨而授之荆公此句乃後日青苗張本也平昔所論如此一旦得位自宜舉而措之當時獨公是先生劉貢父素與公善一書爭之最爲切至○周禮司市以泉府同貨而斂賒注云同共也謂民貨不售則爲斂而買之民無貨則賒貫而予之孰有婚喪而不能贍者官當貸之孰有耕稼而不能贍者官當助之此公所以爲新法○公詩嘗云俗儒不知變兼并可無摧而此詩乃復以挫兼并爲非

其四

父母子所養子肥父母充欲富權其子惜哉術之窮

楊子

爲人父而權其子縱利如子何

霸者擅一方窘彼足自豐四海皆吾家

奈何不知農

霸謂各私其國如齊用管仲之類。管仲但設輕重魚鹽之利苟一時爾務農重穀

乃王政也賈誼云方今之務莫若使民務農而已

其五

誦誦古之士出必見禮樂羣游與衆飲仁義得揚摧心

疲歌舞荒耳聒米鹽濁所以後世賢絕俗乃爲學

古所謂禮

樂者莫非形見於歌舞之際仁義亦不出乎日用飲食之間後世岐而爲二荒於歌舞而不識禮樂聒於米鹽而烏知仁義其號爲賢者必絕俗而後爲學豈知道無精粗之間哉

其六

小夫謹利害不講義與仁讀書疑夷齊古豈有此人其才一莛芒所欲勢萬鈞求多卒自困餘禍及生民

夷齊不食

周粟謂其以臣而伐君此所謂求仁也俗薄乃妄意古無此事。莛芒公一再用之

其七

魯普俗所共察察與世違違世有百善一疵惡皆歸就

求無所得猶以好名譏彼哉負且乘能使正日微

違世特立

之士爲俗所惡苟有一青併百善而掩之矣
。賢者無可指之過小人多以好名疵之

其八

始就詩賦科雕鐫久才成一朝復弃之刀筆事刑名中

材蔽末學斯道苦難名忽貴不自期何施就升平

史記申子

之學本於黃老而主刑名韓非者喜刑名法術之學。
言士之學既陋一日爲公卿探其中無有也何術而能
致升平哉以其本非在上之物故也
忽貴不自期如唐鄭五朱朴之類

其九

貞觀業萬世經營豈非艱其子一搖之宗廟靈幾殫開
元始聰明一書奔岷山功高後毀易德薄人存難高宗不君
武后專國後改唐爲周故言宗社之威靈幾盡。明皇
始勵精致治晚荒惑播遷於蜀。如周家八百以德不
以功以功則易墮上德薄則不能庇民易以致亂故云人存難

其十

明者好自蔽況乃知我匹每行悔其然所見定萬一不
求攻爾短欲議世之失耘而舍其田辛苦亦何實謂不自知
而欲知
它人

其十一

言失於須臾百世不可除行失几席間惡名滿八區百

年養不足一日毀有餘諒彼恥不仁戒哉惟厥初劉璋傳桓

公一矜其功叛者九國曹操暫自驕伐天下三分皆勤之於數十年之內而棄之於俯仰之頃豈不惜乎此即詩百年一日之意也

其十二

鐘鼓非樂本本末猶相因仁聲入人深孟子言之醇如

何貞觀君從古同隋陳風俗不粹美惜哉世無臣陽貨篇樂

云樂云鐘鼓云乎哉詩意言移風易俗之本猶託器以傳。孟子仁聲入人深也。禮樂志既欲從古又同隋陳言房魏之徒不足以興禮樂

其十三

好樂世所共欲禁安能捨孰能開其淫要在習以雅歐人必如已墨子見何寡惜哉後世音至美不如野

其十四

遊鯨厭海濁出戲清江湄風濤助翻騰網罟不敢窺失身洲渚間螻蟻乘其機物大苦易窮一窮無所歸

李白
枯魚

過河泣詩作書報鯨鮪勿恃風濤勢濤落歸
泥沙翻遭螻蛄噬公詩意同此斷章尤佳

其十五

猛虎卧草間羣鳥從噪之萬物忌强梁寧獨以其私虎

終機械得鳥亦彈丸隨山雞不忤物嘿與鳳凰期

物情共惡

不必緣私憾而始然也。鳥噪虎者惡其强梁也然鳥猶有不平之心若山雞之嘿則超然與物無忤矣

舟中讀書

冉冉木葉下蕭蕭山水秋浮雲帶田野落日抱汀洲歸
卧無與語出門何所求未能忘感慨聊以古人謀

讀進士試卷

文章始隋唐進取歸一律安知鴻都事竟用程人物

漢靈

帝光和元年始置鴻都門學生注鴻都門名也於內置學其中諸生皆勅州郡三公舉召能爲尺牘詞賦及工書鳥篆者相課試至於千人焉言鴻都漢末之亂制始以詞賦等取人而隋唐因之不革如進士書判等科是也

變今嗟未能於已空自咄流波亦已漫高論常見屈

故今倣儻士往往棄堙鬱臯陶敘九德固有知人術聖

世欲爾爲徐觀異人出

咄歎也詩意言既未能變俗自爾不免由科舉而進

自訟

孔子見南子子路爲不怡欲從公山氏勃鬱見色辭道
如天之蒼萬物不能緇弟子尚不信況余乏才資明知
古人仁語默各有時苟出不自慎果爲聽者疑白圭尚
可磨駟馬猶能追一言成不知雖悔欲何爲子貢曰君子一言以
爲知一言以爲不知言不可不慎也借此以明子路之不知聖人

彼狂

上古杳默無人聲日月不忒山川平人與鳥獸相隨行
祖孫一死十百生萬物不給乃相兵言爭起於生育伏漸衆而不給

犧畫法作後程漁蟲獵獸寬羣爭勢不得已當經營非

以示世爲聰明方分類別物有名夸賢尚功列恥榮蠱

僞日巧雕元精至言一出衆輒驚上智閑匿不敢成夸賢

三語似莊老然詩末又罪諸子之著書者所稱至言何所指乎因時就俗救刖黥惜哉

彼狂以文鳴強取色樂要聾盲詩意言不能反刖以朴剗僞以真惟隨時救之

而已刖黥屢見別注。老子五色令人目盲五音令人耳聾震蕩沉濁終無清恢詭

徒亂聖人氓豈若泯默死蠶耕恢詭謂異端皆有絕人之才能持其說以惑人

心曾不若泯然與衆出作入
息而死於蠶耕之爲愈也

寄題郢州白雪樓

折楊黃華笑者多陽春白雪和者少知音四海無幾人

況乃區區郢中小

莊子聞折楊黃華則嗑然而笑之楚詞黃作皇。宋玉對問曰客有歌於

郢中者其始曰下里巴人國中屬而和者數千人其為陽春白雪國中屬而和者不過數十人是其曲彌高而

和彌寡也

千載相傳始欲慕一時獨唱誰能曉古心以此分

冥冥俚耳至今徒擾擾朱樓碧瓦何年有棖桷連空欲
驚矯郢人爛漫醉浮雲郢女參差躡飛鳥丘墟餘響難
再得欄檻茲名復誰表我來欲歌聲更吞石城寒江暮

空繞

郢邊漢江上即石城也莫愁所生處

聖俞為狄梁公孫作詩要予同作

虎豹不食子鳩梟不乘雄人惡甚鳥獸吾能與成功傳

錄云惡虎不食子。莊子天運篇虎狼仁也曰何謂也曰父子相親何爲不仁上句指中宗下句指高宗兩句皆指武后言其殺子乘夫也愛有以計留去有勢不容計留恐指相王去謂廬陵

王吾謀適合意幾亦齒奸鋒梁公曾被來俊臣羅織下獄幾死後置帛書於褚衣

中傳至其家其子光遠上變則天召見得免死武承嗣霍獻可皆請誅之后不從貶彭澤令又后嘗欲以武三思爲太子仁傑曰姑姪與母子孰親陛下立廬陵王則常饗宗廟三思立廟不祔姑后感悟即日迎中宗於房

州時思淪九泉褒取異代忠堂堂社稷臣近世孰如公

空使苗裔孫稱揚得詩翁

謂聖俞

一讀亦使我慨然想餘

風

蒙亭

取易蒙卦義

隱者安所逢在物無不足山林與城市語道歸一轂

安

作委。體道者宣靜兩遺何必偏於隱哉蓋遠迹林藪者恐見紛華而動耳孰知至人遺物耳目不能爲之累

。老子三十幅共一轂

詩人論巨細此指尚局束頗知區區者自

屏忍所欲孰識古之人超然遺耳目豈於喧與靜趣舍

有偏獨命亭今何爲似乃畏驚俗至意不標揭閤名聊

自屬夏風簷楹寒冬雪窗戶燠春樊亂梅柳樊藩也秋徑

深松菊壺觴日笑傲裙屐相追逐此樂已難言持琴作

新曲

後魏邢巒謂梁蕭深藻是裙屐少年

和王樂道烘虱

秋暑汗流如炙輶

史記荀卿傳炙轂過髡劉向別錄云過字作輶輶者車之盛膏器也炙之

雖盡猶有餘流言淳于髡智不盡如炙輶也

敝衣濕蒸塵垢浣施施衆虱當

此時澤肉甘於虎狼餓咀嚙侵膚未云已爬搔次骨終

無那

柳文每一爬搔塵垢滿爪嵇叔夜與山巨源書性復多蟲爬搔無已○杜周傳內深次骨李奇注曰

其用法深

時時對客輒自捫

王猛捫虱而談世事

十百所除纔幾

箇皮毛得氣強復活爪甲流丹真暫破未能湯沐取一

空

淮南子云湯沐具而蠅蟲相弔大厦成而燕雀相賀

且以火攻令少挫

虞翻爲蚤蟲所

咋悉以赴火周顗傳曰阿奴火攻固出下策

踞爐熾炭已不暇對竈張衣誠

未過飄零乍若蛾赴燈驚擾端如蟻旋磨欲毆百惡死

焦灼肯貸一凶生棄播已觀細黠無所容未放老奸終

不墮然臍郢塢患溢世

董卓築塢於郢號曰萬歲塢卓既誅乃尸卓於市天時始熱卓

素充肥脂流於地守尸然火置焚寶鹿臺身易貨史記

殷紀

卓臍中光明達曙如是積日紂兵敗紂走入鹿臺衣冢中燎入化秦屍劉向封事秦

始皇葬於驪

山之阿下錮三泉上崇山墳其後牧兒亡羊池上煥隨

遷莽坐

昭公十八年子產使司馬司寇行火所煥注煥炙也。漢兵攻莽火及掖庭承明莽避火宣室

前殿火輒隨之天文郎按拭於前莽旋席隨斗柄而坐又就車之漸臺欲阻池水猶抱持符命威斗拭占時日

書之彼皆勢極就煙埃況汝命輕倖涕唾逃藏敗絮尚欲

索阮籍傳獨不見羣蟲之處禪中乎逃埋沒死灰誰復

乎深縫匿乎壞絮自以爲吉宅也

課熏心得禍爾莫悔爛額收功吾可賀爛額見猶殘衆

澶州注

蟻恨未除自計寧能久安卧

抱朴子蚤蟲羣攻卧不復安

和農具詩十五首

田廬

田父結田廬聊容一身息呼兒取茅竹不借鄉人力起

行廬旁朝歸卧廬下夕悠悠各有願勿笑田廬窄

即今觀穀

寮也僅可容身而宿轉移無常所。小雅信南山中田有廬箋云中田田中也。梅宛陵集亦有農具詩十五首蠶具詩十五首題與公所賦同但韻不同耳梅云和孫端叟意必同時作

颶扇

精良止如留疏惡去如擯如擯非爾憎如留豈吾吝無
心以擇物誰喜亦誰愠翁乎勤簸颺可使糠粃盡此如朝廷
之賞罰黜陟因其功罪賢否而施之初非出於好惡喜
愠之私耳。孫綽嘗與習鑿齒同行綽在前鑿齒曰簸
之颺之糠
粃在前

樓種

富家種論石貧家種論斗富貧同一時傾瀉應心手行
看萬壟空坐使千箱有利物博如此何慙在牛後

樵斧

百金聚一冶所賦以所遭此豈異鎔鑄奈何獨當樵朝
出在人手暮歸在人腰用捨各有時此心兩無邀

耒耜

耒耜見於易聖人取風雷不有仁智兼利端誰與開神

農后稷死般爾相尋來山林盡百巧揉斲無良材

詩意言農

稷致天下之大利若般爾則異此矣幾於導淫侈之原也。易繫辭神農氏作斲木爲耜揉木爲耒耒耜之利以教天下蓋取諸益象曰風雷益

錢鋪

錢子踐切錢銚古田器也鋪鐫耘田也

於易見耒耜於詩聞錢鎛百工聖人爲此最功不薄欲
收禾黍善先去蒿萊惡願因觀器悟更使臣工作考工記百
工之事皆聖人之作也

耨鋤

鍛金以爲曲揉木以爲直直曲相後先心手始兩得莊子

天道篇輪扁曰不徐不疾得之於手應之於心秦人望屋食以此當金草君勿

易耨鉏耨鉏勝鉏鋒鎬

漢吾丘壽王傳民以耨鉏筆耨相捷擊犯法滋衆。過秦論曰陳涉

以戍卒不用弓戟之兵鉏耨白梃望屋而食橫行天下鉏耨棘矜不敵於鉤戟長鎬言陳勝起時但持此攻

戰。收天下之兵聚之咸陽銷鋒鋦
注鋦與鐻同即箭鏃二注皆過秦論

襖

蓑薜也

采采霜露下披披煙雨中茅蒲以為友短褐相與同勿

妬市門人綺紈被奴僮當慙邊城戍環甲徂春冬

齊語時雨

既至挾槍刈耨鋪以從事於田野脫衣就功首戴茅蒲身衣襜褕霑體塗足暴其髮膚盡其四支之敏以從事田野茅蒲荳笠也。史記刺綉紋不如倚市門。左傳文公躬擐甲冑

臺笠

耕有春雨濡耘有秋陽暴二物應時須九州同我服孰

爲生少慕得此自云足君思周伯陽所願豈華穀

詩彼都人

士臺笠緇撮鄭氏曰臺夫須也以臺皮爲笠陸璣草木疏云舊說夫須莎草也可以爲蓑笠孔氏曰笠可禦雨因可以禦暑。史記老子字伯陽本傳云君子得其時則駕不得其時則蓬累而行又素隱謂蓬累笠也

耕牛

朝耕草茫茫暮耕水滴滴朝耕及露下暮耕連月出身

無一毛利主有千箱實皖彼天上星空名豈余匹

司馬相如

上林賦滴滴瀝瀝滴音決。詩小雅大東皖彼牽牛不以服箱

水車

取車當要津膏潤及遠野與天常幹旋如雨自深瀉

心亦何有在物偶相假此理乃可言安得圓機者

天文志天

體左旋圓機謂車形圓也。漢陰老人抱甕而灌子貢曰鑿木爲機後重前輕挈水若抽其名桔槔老人曰聞有機事必有機心吾非不知羞不爲也公詩意取子貢而與老人異文中子曰安得圓機之士與之共論九流哉

田漏

東坡遠景樓記四月初吉穀種而草壯耘者畢出立表下漏鳴鼓以致衆擇其

徒爲衆所畏信者二人一人掌鼓一人掌漏進退作止惟二人之聽七月既望穀父而草衰則仆鼓決漏買羊豕酒醴以祀田祖觀此詩則田之有漏江西蜀中皆然

占星昏曉中寒暑已不疑田家更置漏寸晷亦欲知占星

昏曉中事見月令

汗與水俱滴身隨陰屢移誰當哀此勞徃徃

奪其時

唐李紳詩云禾日當午汗滴禾下土誰知盤中餐粒粒皆辛苦

耘鼓

逢逢戲場聲壤壤戰時伍日落未云休田家亦良苦問

兒今隴上聽此何莽鹵昨日應官繇州前看歌舞

莊子曰予

昔為禾耕而鹵莽之則實亦鹵莽而報予。東坡詩贏得兒童語音好一年強半在城中蓋病新法之擾也今觀公應官繇之語豈知後人乃亦以此譏公乎

牧笛

綠草無端倪牛羊在平地

莊子不知端倪

芊綿杳靄間落日一

橫吹

橫吹軍中之樂此特指笛耳

超遙送逸響誕漫寫真意豈比賣

飭人吹簫販童稚

詩簫管備舉注簫編小竹管今賣飭者所吹

牛衣

百獸冬自暖獨牛非氎毛無衣與卒歲坐恐得空牢主

人覆護恩豈啻一綈袍問爾何以報離離滿東臯

牛衣詳見

律舒王章注。莊子達生篇祝宗人立端以臨牢筴坐恐得空牢慮牛寒而什也。范睢傳睢微行弊衣以見

須賈賈意哀之曰范叔一寒
如此哉因取一綈袍以賜之



王荊公詩注卷十五

欽定四庫全書

集部

王荊公詩注卷十六至十九

詳校官庶吉士臣龍廷槐

檢討臣何思鈞覆勘

總校官進士臣繆琪

校對官庶吉士臣羅修源

謄錄監生臣謝惇

欽定四庫全書

王荊公詩注卷十六

宋李壁撰

古詩

次韻酬微之贈池紙并詩

微之出守秋浦時椎冰看擣萬穀皮

晉書贊謂蕭子雲書窮萬穀之皮

皮工龜手咤今樣

莊子不龜手之藥

魚網肯數荊州池

盛弘之荊州記

白蕭陽縣蔡倫宅其中具存傍有池名蔡子池倫漢順帝時人始以魚網造紙縣人今猶多能作紙蓋倫之遺

業霜紈奪色價不售虹玉喪氣山無輝方船穩載獻天

子鄺食其傳方船而下師古曰方併也善價徐取供吾私十年零落尚百

一持以贈我隨清詩君寧久寄金穀地方執賜筆磨坳

螭唐志天子御正殿二史分左右立有命則俯陛以聽退而書之若仗在內閣則分立第二螭首和墨濡筆

皆即當留此物朝上國日侍帝側書新儀不然名山副

史本褒拔元凱誅窮奇司馬遷傳藏之名山副在京師左氏八元八凱窮奇擣杙

咨予文章非世用畫鏤空爾靡冰脂楊次公鹽鐵論內無其質而外學其

文若鏤冰畫揮毫才足記姓字項羽傳籍少時學書不成去梁怒之籍曰書足

脂費日損功

記姓名而已不足學竊學又恥從師宜衛恒傳上谷王次仲始作楷法至靈帝好書時多能

者而師宜官爲最每書輒削而焚其柑遂以書名此言竊學謂鵠也又晉書右軍贊師宜懸帳之奇罕有遺迹又按師宜官南陽人時天下工書者皆聚於鴻都門至數百人稱宜官爲首大則一字徑丈小則方寸千言今詩止稱師宜去官字蓋祖晉帖也忽忽點汙亦何忍嘉貺但覺難為辭

篇終有意責趙壁窮國恐誤連城歸秦以虛詞欲取趙壁實無予城意故

云恐誤史記趙惠王得和氏璧秦昭王聞之使人遺趙王書願以十五城易璧藺相如奉璧奏秦秦王無意償城相如乃使其從者衣褐懷璧從間道亡歸璧於趙傾囊倒篋聊一報安敢坐以

秦爲雌孟嘗君傳馮驩謂秦王曰天下之士入秦者莫不欲強秦而弱齊入齊者莫不欲強齊而弱秦

此雌雄之國也勢不兩立秦
王曰何以使秦無為雌而可

酬沖卿月晦夜有感

夜雲不見天況乃星與月蕭蕭暗塵定坎坎寒更發樓

歌客尚飲醕酏不畏雪巷哭復有人

南州人聞羊祜喪罷市哭聲相接

隣風送幽咽紛然各所遇悲喜孰優劣君方感莊周浩

蕩擺羈縻歸來亦置酒玉指調絃撥獨我坐無為青燈

對明滅

絃撥二物也鷓鴣絃鐵撥琵琶以鷓鴣筋為絃鐵為撥

送子思兄參惠州軍

云云曲江水天借九秋色樓臺飛半空秀色盤韶石

韶石

見別注

載酒填里間吹花換朝夕笙簫震河漢錦繡爛冠

幘地靈瘴癘絕人物傾南極

馬援鑄銅柱以標南極之處

先朝有名

臣

介甫父楚公嘗爲韶州此言名臣謂楚公

卧理訟隨息稍稍延諸生談笑

顧賓客子來適妙年謁入交履舄寂寥九齡後此獨望

一國

曲江公韶州人言子思可繼之

虞翻禮丁覽

虞翻傳初山陰丁覽太末徐陵或在縣吏

之中或衆所未識翻一見之便與友善終成顯名

韓愈俟趙德

韓趙見別注

孤岸鎮

顏波俗流未易識我方文葆中

趙世家小兒被曰文葆

旋逐旌旗

蹟去思今豈忘耳目熟遺跡更含殷勤言俛仰問乖隔

當時府中兒侵尋鬢邊白下帷雖著書不救寒餓迫

董仲

舒下帷講道

謂宜門闌士官路久烜赫奈何猶差池更捧丞

掾檄

捧檄見涓涓乳下子注

驥摧千里蹄鵬墮九霄翮人生無巧

愚天運有通塞試觀馳騁人意氣宇宙窄榮華去路塵

謗辱與山積優游祿仕間較計誰得失送君強成歌陟

岵翻感激

韓詩歡華不滿眼咎責塞兩儀公詩類此

送董伯懿歸吉州

我來以喪歸君至以謫徙蒼黃憂患中邂逅過於此去

年服初除聽赦相助喜看君數歸月但屈兩三指

嘉祐八年

八月公丁母憂時爲知制誥觀詩意董由遷謫來金陵當從公游此詩送其歸鄉蓋赦後一年乃得歸

茫

然冬更秋一笑非願始藍輿楊柳下明月芙蓉水僅飢

屢窺門客罷方隱几是非評衆詩成敗斷前史時時對

奕石漫浪爭生死送迎皆幅巾設食但陳米亦曾戲篇

章揮翰疾蒿矢

莊子在宥篇焉知桀跖之不爲嘯矢也注嘯矢之猛者崔本作蒿

君豪

才有餘我老憊先止東城景陽陌南望長干紫

景陽宮在臺城內

長干是秣陵縣東里巷名江東謂山隴之間曰干金陵
五里有山岡其間平地民庶雜居有大長干小長干東
長干並是地名欲斲三畝蔬於焉寄殘齒經過許後日唱和猶

在耳新恩忽捨我欣悵生彼已江湖北風帆揆施即千
里相逢知何時莫惜縑與紙

八月十九日試院夢沖卿

空庭得秋長漫漫寒露入幕愁衣單喧喧人語已成市

白日未到扶桑間

十洲記云扶桑地方萬里多生林木其葉如桑長者數千丈兩兩同根偶

生故名扶桑

永懷所好却成夢玉色髣髴開心顏逆知後應

不復隔談笑明月相與閒

平甫歸飲

在館中
時作

無田士相弔亦以廢燕樂我官雖在朝得飲乃不數詩
書向墻戶賓至無杯杓空取上古言疇之等糟粕有如

揚子雲歲晚天祿閣但無載酒人識字真未博

公自言
識字不

多載醪而問者少此近於戲也然識字亦豈易哉漢之
諸儒比肩立而揚子雲獨以識字稱韓公以道德文學
伏一世而自謂凡爲文辭宜畧識字推此可知其非易
也介甫登科爲淮揚簽判時韓魏公作鎮喜介甫文學
不以吏事許之介甫每引古義爭事公一裁以法律往
往不從介甫官滿既去有人獻公書書中多用古字公

不能識持示羣寮亦不識公曰王廷評在必能識此人
多識難字介甫聞之怒以為輕已疑此句有激而云也
又晁景迂晚年嘗語人云日課識十五字景迂博學
多識未見其比晚年衰病尚勤如此可以為法也

今歸自東一笑堂上酌緒餘不及客兒女聊相酢高談

非世歡自慰亦不惡寄言繁華子此趣由來各

鄭谷詩
一年流

淚同萬里
相思各

答陳正叔

天馬志萬里駕鹽不如閒壯士困局束不如棄之完

前漢

禮樂志渥洼馬歌太乙沉天馬下志倣儻精權奇體容
與巡萬里又戰國策夫驥服鹽車上太行中坂遷延負

轅不能上伯樂下車哭之者也。退之讀皇甫湜公安園池詩觀之亂我意不如不觀完用之不盡不如不用利行有阨轍勢涉無恬瀾明明千年羞促促一日歡陸士

衡豫章行促促薄暮景注促促短貌

孰肯避此世引身取平寬超然子有

意爲我歌考槃予方慕孔氏委吏久盤桓得失未云殊

聊各趨所安

過食新城藕

他年過食新城藕枕藉船中載親友

劉伶酒德頌枕麴藉糟

今年

却到經行處獨坐昏煙對舞柳甘酸向口無所適牢落

盤飧與樽酒水房玉節謾自好

穆天子傳西王母獻素蓮一房欲御還

休涕垂手曾參宦學居常近

家語曾參齊嘗聘欲與為卿而不就曰吾父母在食

人之祿則憂人之事故吾不忍遠親而為人役也

陽城離別初不久

陽城為國子祭酒引

諸生告之曰凡學者所以學為忠與孝也諸生有久不省親者乎明日謁城歸養者二十輩不歸者斥之公蓋以此教人詩人間此願兩未能西風落日空回首

明州錢君倚眾樂亭

君倚名公輔仁宗時自三司戶部判官出知明州有

善政自明召入為修

注公嘗舉以自代

使君幕府開東部名高海曲人知慕艤船談笑政即成

洗滌山川作佳趣平泉浩蕩銀河注想見明星弄機杼

載沙築成天上路

唐世拜相禮絕班行府縣載沙填路自禁城至其第名沙隄

投虹

爲橋取孤嶼掃除荊棘水中央碧瓦朱甍隨指顧春風

滿城金版舫來看置酒新亭上百女吹笙綵鳳悲一夫

伐鼓靈鼉壯安期羨門相與遊方丈蓬萊不更求酒酣

忽跨鯨魚去陳迹空令此地留

列仙傳安期生琅琊人賣藥東海邊時人皆言

千歲漢郊祀志李少君言臣嘗游海上見安期生食巨

棗大如瓜安期仙者通蓬萊中合則見不合則隱後藥

大亦言臣常往來海中見安期羨門之屬顧以臣爲賤不信臣羨門碣石山上仙人名子高也

愛日

使北時作○揚
子孝子愛日

雁生陰沙春冬息陽海溼冥冥取南北豈以食爲累咨
予愁病軀鄙朴人所戲無才治時難量力當自棄豈知
塞上霜飄然亦何事高堂已白髮愛日負明義怨風吹

平原

怨風當
作悲風

秣馬聊一榻含懷孰與語仰屋思嘆喟孟

母知身從萊妻恥人制一肉儻易謀萬鍾非得計

孟母
事見

列女傳萊妻事詳見別注
○顏曾之養何必萬鍾

答裴煜道中見寄

煜慶歷六年省
元係賈黯榜

君遊苦數歸苦晚一驛險有千里遠知君陟降旦暮間
馬力不勁厭長坂雨脚墜地花枝低風頭入溪蒲葉偃
此處登臨不奈愁瓊樹森森遮疊嶽

餘寒

餘寒駕春風入我征衣裳捫鬢祇得凍蔽面尚疑創士

耳恐猶墮馬毛欲吹僵

漢書上聞韓王信降匈奴上將擊之連城乘勝逐北至樓煩會

大寒士卒墮指者十二三。傅玄詩嚴風截人耳素雪隨地凝。西京雜記漢元封二年大雪深一丈野中鳥獸皆死牛馬蹇縮如蝟

牢持有失箸疾飲無留湯

先主方食不覺失已箸言方寒

手凍至不
能執捉
瞳瞳扶桑日出有萬里光可憐當此時不濕

地上霜

言曰薄不能使霜消詩
雨雪濛濛見覲曰消

冥冥鴻雁飛前望去成

行誰言有百鳥此鳥知陰陽豈時有必至前識聖所臧

前識謂
先見把酒謝高翰我知思故鄉

憶鄞縣東吳太白山水

亦名
孤城

孤城回首

一作
望

詎幾何憶得好處長經過最思東山春

樹靄更憶南湖秋水波三年飄忽

一作百
年顛倒

如夢寐萬事

感激

一作
乖隔

徒悲歌應須飲酒不復道今夜江頭明月多

韓詩一年月明今宵多
又有酒不飲爭奈明何

和微之藥名勸酒

此湊藥名爲詩陳亞嘗有藥名詩云風月前湖近軒窗半

夏涼幕爲臘寒呵子下衣嫌春瘦縮紗裁世傳以爲起於亞非也自梁以來如簡文帝元帝皆有藥名詩庾肩吾沈約亦各有一百首至唐張籍爲離合詩有云江皋歲暮相逢地黃葉生前半下枝子夜吟詩問松桂心中萬事喜君知以此觀之則藥名詩初不始於亞矣

赤車使者錦帳郎從容珂馬留閒坊

赤車使者從容見既別羊王二君注

。珂大如鯢皮黃黑而骨白以爲馬飾生南海

紫芝眉宇傾一坐笑語但聞雞

舌香

紫芝生高夏山谷六芝皆無毒。雞舌香按三省故事尚書郎口含雞舌香以其奏事答對使氣芬

芳母丁香亦

藥名勸酒詩實好陟釐爲我書數行

陟釐乃水

名雞舌香

中苔今取以爲紙名苔紙見本草草部

真珠的樂鳴槽牀金甌琥珀正可

嘗

真珠出廉州邊海中有洲島島上有大池謂之珠池每歲刺史親往監珠戶入池採老蚌割取珠以充貢

史君子細看流光

史君子形如梔子稜瓣深而兩頭尖亦似訶梨初始因潘州郭使君療小

兒多是獨用因號爲史君子

莫惜覓醉衣淋浪獨醒至死誠可傷

獨醒

草名歡華易盡悲酸早人間沒藥能醫老寄言歌管衆少

年趨取烏頭未白前

酸棗生河東川澤樹大如火棗實無常形味酸者是。沒藥生波斯

國似安息香黑色。貫衆生玄山山谷苗似狗脊狀如雉尾。烏頭葉厚莖方中空葉四四相當與蒿相似白前苗似細辛而大色白易折生洲渚沙磧之上。金櫻子今之刺榆子。松脂千年為茯苓又千年為琥珀

客至當飲酒二首

結屋在牆陰閉門讀詩書懷我平生友山水異秦吳杖

藜出柴荆豈無馬與車窮通適異趣談笑不相愉

愉悅也謂

語不相投也

寧復求古人浩蕩與之俱客至當飲酒日月無

根株

張籍青天蕩蕩高且虛上有白日無根株流光斲出還入地使我少年不須臾

其二

天提兩輪光環我屋角走自從紅顏時照我至白首

子列

一兒曰日初出大如車輪及中纔如盤蓋此不為日初
出去人近日中時去人遠乎。杜詩云日月雙車轂

累累地上土徃徃平生友

累累謂塚

少年所種樹礫何行復

朽古人有真意獨在無好醜冥冥誰與論客至當飲酒

楊王孫傳歸者得至化者得變是物各反其真也反真
冥冥亡形亡聲詩意言人任運而生乘化而盡無獨存
理之

乙未冬婦子病至春不已

乙未爲至和二年公
時爲羣牧判官被使

畿內後二年卒
求常州以出

天旋無窮走日月

爾雅二十八宿及諸星皆循天左行一日一夜一周天日月五星則右行

日行一日一周天月行一月一周天

青髮能禁幾回首兒呻婦嘆冬復春

強欲笑歌難發口黃卷幽尋非貴嗜藜牀穩卧雖貧有

二物長乖亦可憐一生所得猶多苟

黃卷藜牀非謂無此二物也不能盡

其樂耳。南史江革讓婚表至於夜步月而弄琴畫拱袂而披卷一生之內與此長乖

強起

寒堂耿不寐輾轉聞車聲不知誰家兒先我霜上行歎
息夜未央呼燈置前楹推枕欲強起問知星正明昧旦

聖所勉齊詩有雞鳴嗟予以竊食更覺負平生

詩女曰雞鳴士

曰昧旦子興視

夜明星有爛

飲裴侯家

此必是裴煜作郡江
淮時語意可知也

裴侯飲我日向中
四坐賓客顏皆紅
掃除高館邀我入
自出糶麥憐民窮
天邊眼力破萬里
桑麻冥冥山四起
野心探尋殊未已
更欲蒹衣北城水
忽見碧樹櫻桃懸
下馬恣食不論錢
赤星磊落入我眼
恐是半醉遊青天
裴侯方坐塵沙裏
役身救物當如此
我曹偶脫簿領間

同忍愛惜一日間且歸拂席飽眠睡明日更看滁南山

送謝師宰赴任楚州二首

師宰陽夏公絳之子
陽夏四子景初景溫

景平景回
此景平也

珠玉不自貴故爲人所憐賢愚亦如此好惡有自然聞

子欲東南使我抱憂

一作幽

悵炎風沙土中甘與子留連

大梁非無客跪起廢食眠相看獨不厭以此知子賢衰
氣已難強壯心方少年才高豈易得勗子在雕鐫

其二

昆崙一支流向東

謂汴水也流
入淮故言東

七月八月船如風愛君

少壯此行樂恨我留連成老翁

魏文帝與吳質書曰志
意何時復類昔日已成

老翁但未
白頭耳

神頭兩岸水無窮伏檻荷花滿眼紅

神頭屬
楚州地

名當時不得君攜手今日山川在眼中

次韻遊山門寺望文脊山

文脊山一名曷山在
寧國縣西三十里

宣城百山間文脊尤奇峯拔出飛鳥上圖畫難為容聞

昔有幽人捫蘿追赤松

赤松古
仙人也

遺形此古室孤坐鹿裘

重人去邈不反洞壑空藏龍

按晉書隱逸傳瞿硎先生
者不得姓名亦不知何許

人也太和末嘗居宣城郡界文脊山中山有瞿硎因以名焉大司馬桓溫嘗造之既至見先生被鹿裘坐於石室神無忤色溫及僚佐數十人皆莫測之乃命伏滔爲之贊竟卒於山中側行蒼崖煙俯仰求靈蹤遊者如可得甘棄萬戶封安能久塵土傾倒相迎逢

疥

昭公二十年齊侯疥遂疔梁元云疥音瘡兩日一發之瘡杜預注云案傳例因事曰遂若瘡已是瘡何爲復言遂疔乎○說文曰疥瘡也周禮天官疾醫曰夏時有癢疥病禮記月令民多疥癩

浮陽燥欲出陰濕與之戰燥濕相留連蟲生乃投間搔

膚血至股解衣燎爐炭方其愜心時更自無可患呼醫
急治之莫惜千金散有樂即有苦愜心非所願

莊子樂
未畢也

哀又
繼之

王荊公詩注卷十六